


ÑAANTSI ANTAMIMASHIKI AISATI PIRATSIPAYE KANTAKANTANTSI

N° 29763



diseño y diagramación: alicia infante takey




MINISTERIO
DE AGRICULTURA
Y RIEGO



**ŃAANTSĪ ANTAMIMASHIKĪ AISATI
PIRATSĪPAYE KANTAKANTANTSĪ**

N° 29763





ŊAANTSI ANTAMIMASHIKI AISATI PIRATSIPAYE KANTAKANTANTSI ŊAANTSI N° 29763

OETOTARI INTANAKARONI

Abakojetiro I.- Kantakobentaantsi aisati antabaeri osaekakotantari ashitari antamishite Anampi.

Maaroni atiri otime ikantakobentaje iyanintaeyaro ashitari antamimashi ikenkishiriakoetiro ibakotiro yotakoyetirori anampi timayetatsiri yaminakotiro asaenkantari aisati akakoteri yanterinta. Maaroni atiri otimatye yametakotero yamabentakotyaro ashitari obakoterori apinkatsatero ibakoetironta.

Abakojetiro II.- Intantari saekakotatiri

Irotake intarori saekakotatsiri antiri aminakotero antamimashi – irotake intarori okantakobentantsi anteri anintakaero ibakaetiro okantakotire anampi okenkishiriakotiri anampi, Apatyabakero 169 ora (OIT), oenijantiro jebatayetatiri apatotachari nampitsi okantakota okantakobentari yashitari ashitarori inampi pashine – ikenkishiriakoetiri:

1. Jebatakoyetirori antamimashi

Intarori ijebatiro antamimashi ojebatiro obamitaantirori kenkishiriansi shintsitakaerori yaminakotiro okantakantiri kenkishiriansi yantabaetantaetari ikamantero ikarati saekantarori antamimashi otimatye yakakoteri apatyakoteri ayotakotero okarati yantiri pashinepaye jaokarika ikenkishiriakotiro anintero ajebatero opomerentsita antabaerentsi amonkarataero abamitsantero okoñate jebatantsi iroperori koñatatiri antabaeri anampitsite ajebatiro onijantero jebatantsi.

2. Anijantero aminakotero antamishi

Irotake intarori opiri maaroni atiri kantakobeitantsi yantayetiri antero akantakobentero okarati akobiri okantakota atsonkero, antero oejatiro okantakantiri amenakotiri okantakota antamimashi

pashine timayetatiri añenkatantari otsipatari otime okempoyari aparopayeni jebabinterori yaminero kankobenterori oki opiya maaroni kobirori aisatita apatoyetachari antamisati okaraetati ari omonkarabakaeya.

3. Akobiro saekantsi ikamantaeta

Arika okametsatake ikantakantaetiri apinkatsatiro yashi antamisati okibiro saekantsi kamantantsi okantya okenkishiriakotiro abakotantyarori Apatyabakero 169 ora (OIT) onijantiro jebatakantirori apatoyetachari okantakota yashitara saekantarori antamimashi pashine timatsiri kankobentiriri okantakobentari obasankitantsi yakakotiro yotakoyetirori opaita timatsiri.

4. Monkarantsi okabatya tsipatantsi

Irotake intantarori anampitsite okantakobentiro ari amonkarabakaeya timimotirori ojabatanyari otsipariro timatsiri maaroni saekatiri kantabaeshitachari oenijantiro atsotero okantakanteri antamimashi amitakotero ashinonkantsi apiakotero kobenkari otimantyarori ojabatate anampi amakotero anampitsite.

5. Yametaetari yotantsi ametantsi añantantsi

Asankinatakotero antamishi timatsiri ojabatate iyotakoetantyarori apinkatsatero opinatanyari oinijantero ametari asaekira añantantsi okemitara otime yametaetari otsiparia arika añabentakotero apinkatsatakotero iyotaetiro yotantsiperori yametaetari ashitari antami aninkatantari.

6. Anijantero

Osankinatakota ashitari antamimashi anampiki aejatero anijantero okantakoperota ibakaetiro apatyakotantsi timatsiri antamiki iyotaetakiro okemita akantero antabaetero kipatsi, nija ikarati saekantarori obaninkatarori antami aminero ayotakotero asankenatakotero inchatomashi pashine kitsotayetatiri okanakiro shokayetatsiri antamiki, opinatya, irañantari asháninka ibamitsantiro obira pakayashitaro asháninka iyoetakero omapiro okameetsatati antamisato irotake ñantari saekantarori nija, otimantari iroperori obaretentsi.

7. Amakotyaro aminakotero ashitari antami anampitsiteki

Aminakotero ashitari inchatu antamimashi anampitsiteki akenkishiriakotero ojobate okimotarori otsimimotero okantya amperi kobachari asaekantari.

8. Shintsitantsi asaekakote anampitsiteki

Anampitsite otime ashintsiti osaekakote ashitari anampi inchatomashi antamiki okemitara oetsokipaye timatsiri kaari añeri ayero.

9. Anampitsite onintakaro akoyero ashitari inchatomashi antami

Anampitsite okabakaro iroperote ipinatya nampitsikipaye abakotero opinatantaryari ipantaetajaeri ashitari antamimashi, pashine timayetatsiri saekayetatsiri antamiki okemitara timatsi anintaeyari asaekakote ashitari.

10. Intantari iroperori

Yanteri atiripaye saekatiri abakotachari otimimotero yaminakotero ashitari timaentsiri ashitari inchatomashi antami ashi anampi anijantero intantari iroperori oni.

11. Kameetsaperori ojobaperote

Aminakotero inchatomashi antami oejatiro aparoni aminakotantsi okameetsatantaryari ojobate amabentakotyaro otimantaryari inchatomashi pashine saekantarori okameetsati antami ashitari amitakotero ojobate anampitsite anintataryari anampi asaekantari onintakaro ojobate anampitsite ojobate maaroni amonkarabakaeya antabaerentsi aminakotero antero otimimotae abashiñero ayotero abitsike (intarori akoki) pimantatsi otimantaryari opinatya pankitatyari amonkarakotyaro timatsiri inchatu antami amenakotero amakotyaro antami amitakotero ojobate anampikika.

12. Apotero pashine kantakantaetiri

Kantakantaetiri pashine ashitari antami antabaerentsi otimontaryari areta opomerintsitakia aminakobenterori ashitari antami irotake okoberi anampitsite ari amonkararo ikantakantaetiri aritake okanta iyotakaentantarori okanta kantakobentantsi yashi ashitaro ikantakantaetiri okantya okoberi jebatayetatiri anampi.



13. Okoñaperote ibakoetiro timatsiri

Anampi otime kankakobentantsi opiro kamantantsi kankabaetatyari ibakoetiro inchatomashi antamishi, apinkatsatero maaroni okantya okameetsate ikamantaete okarati kaari kobityachani okarati ikankakobentaetiri yaminakotero okanteri inampitsite opiro okarati okobiri aminakoterori abitsikakotero okarati saekakotatiri ikankakantaeteriri.

ATSIPARIRO INTARONI

AYOTERO, TIMATSIRI YOTAKOTIRORI YAMINAKOTIRORI IKENKISHIRIAKOTIRO ONASHITYA INCHATOMASHI ANTAMISHI

OETOTARI I

Okantabaeta ibakoetiro

Abakojetiro 1. Otsonkantari otime ikankakantaetiri

Irotake ikankakantaetiri otime aminero akimpoyero amabentakotyaro arika ayero amakotyaro ashi antami asaekinta anampi, otsipatabaka maaroni yametaekoetantaeri ojobate okaratsi ashitari inchatomashi pashine shokayetatsiri inchato kitsoyetatsiri otsiparo anijantero opinatya tampiajironka anampitsite ari okantya ojabatero inchatomashite abamitsantero opinatanyari inchatomashite opinatari yashi saekantarori. Okobakari ikankakantaetiri otime iroperori ibakoetero okantya onijantero aminakotero inchato antamimashi aritanyarori obirapakanta.

Abakojetiro 2. Obiranta amakotyaro

Iroñaaka ikantakantaetiri abitsikakotero kantabaeshitachari atiri saekantarori okobiri aminakotantsi ashitari antami inchatomashi anampitsite ashitari inchatomashi okarati opiri amitakotantsi pashine inchato timayetatsiri anteri inchatomashi irotake ashitari maaroni asaekantari anampitsite.

Abakojetiro 3. Antabaerentsi inchatomashi otsipatari

Antantyarori ikantakantaetiri ñaantsi, akobakaero inchatomashi kobachari:

- a) Aminakotero oejatakotero amakotyaro amabentakotyaro ojobatero anintakajiaro aminero antero anintaeyaro saekatiri saekantarori obamitsantero ashitari antami anampitsiteki.
- b) Inchatomashi antamimashi.
- c) Aminakoterori inchatoshi antamisato.
- d) Antabaerentsi inchatomashi piratsipayeni kipatsi yotakotsirori okameetsati jaokakotyarori.
- e) Amakotyaro yantaetiri inchatomashiki oemoshirinkirori pashine timayetatsiri.
- f) Ayoteri timimotaeri te oshijaro aminakotero inchatomashi pashine timayetatsiri.

Irotake antabaerentsi otsipatari inchato timatsiri kobachari:

- a) Abamitantsi ashintsitayari antero.
- b) Tsimarantayetatsiri otime anintaetaro yotaantsi anintaeyaro apimante abashiñero apiotero atyankero atsipariro timatsiri inchatomashiki.

Abakojetiro 4. Ashitari inchatomashi intamishi anampitsite

Ashitari inchatomashi anampiki asaekakotatsi okaratayeti:

- a) Opaemotayeti inchatomashi anampike timatsiri.
- b) Timatsiri inchato irotake ametakoteri.
- c) Aninkatantari inchatomashi otsipataro amitakotantsi apatyabaka.





- d) Antamimashike pankitaetakeri oepatsiteki asaekantari.
- e) Yantayetiri ipankitiro inchato pashinetayetatsiri.
- f) Kipatsi kameetsaperori ipankitiro inchato irotake ikashiyakaetsiri kaatsi otaranke antamishi.
- g) Okantabaeta inchatomashi pashine inchatoyetatsiri otime ayero otimanchari otsimimote.
- h) PankirentsiPAYE inchato ashinentsi apatotantsi irotake ipinatajeroni irinchatote kaarira ashi inchato apatotantsi asaekira.

Abakojetiro 5. Abarontari inchatomashi

Irotake abarontari inchatomashi jaokarika asaeki inampiki okarati:

- a) Intamishi intarori.
- b) Pankirentsi inchatomashi.
- c) Kipatsi iroperori osaekira inchatomashi kaatsi otaranki te okobi apankite inchato.
- d) PashinePAYE inchatoshi inkarisato akonobiro okarati aninkatantari irori.

Abakojetiro 6. Abarontari ashi antami

Okametsatantaryari ikantakantaetiri irotake abarontari antami kantayeshitatyari piratsi kaari iripaetari antamisati ashitarori saekatiri yanintaro antamimashike okemitara arika opiratyari apiakotero ari yametakia isaekabaete irioma nijasati itime inkari irotake otimera ikantakantaetiri akotero okarati ikantakantaetiri kantashiyetachari saekantarori antami añatsiri kamatsiri itsoke okantabetya jaokarika aipaetya saekatiri yashitakota okemitara timatsiri yamitaetiro.

Abakojetiro 7. Antayetiri opaematsi inchato pashinePAYE timatsiri antamiki

Antayetiri opaemati inchatomashi pashine poematitiri irotake tsimarantayetateri opaemantantari irotake ashintsijantari ibaemantero opoñantari ashitari inchatomashi antamishi anampitsite otime anintaro atiripayeni saekantarori anampi.

Abakojetiro 8. Kipatsi kameetsaperori otimera inchato

Irotake inchato pinatachari antaro okantabaeta otimera kameetsa oetsokitari okantaetayari yomitakoteiri otimimotantaeri inchatomashi iroperotati apankitero inchatomashite.

Abakojetiro 9. Kipatsi kameetsaperori antaro amakoteri

Irotake akobapirotantari okameetsati aninkatantayari irotake te okameetsaperote atotero irotake amitakotirori kaatsi otaranki otankaechara akiyashitero kipatsiki okantya okisotantayari otimantayari nija ayobate nijatenipaye arityata imparaemashike iroetapaki amakotyaroni korari irotake okobantari akoyero oetsoki apankiteri kanira inchato apimanteri aminero anintayaro antamishi okemitara ñatsabaemento antiri obametantsi aminakotero kenkishiriantisiperori omonkarata kaatsi okantabaeshitya otimantari antayetiri ashitarori.

Abakojetiro 10. Kipatsi ashi inchato ora inchatomashi

Irotake kobityari inchato atsamaetakotero intarori ipiakoeta oñakaro irotake 70% okantabaeta okiterishitsi okarati apankitero inchatomashi okantya achikero amakoteri.

Abakojetiro 11. Pankirentsi inchato

Irotake paematatiri inchato obakota intantarori yaminero atiri ipankiyetirora inchato ashitarori anampi okanta apata ipimantero inchatora kantabaetayetachari aninkotantari amitakotiro arika okobinkate intayetarori.

Kaari pankirentsi inchatomashite apankitero opimanteri abanekipayeni itsimimotanteri.





OETOTARI II

Otsipariayetaria Iroperotatiri

Osaekakotsi I

Nijantirori Anampitsite Aminakotirori Inchato Antamishi

Abakojetiro 12. Nijantirori anampitsite aminakotirori inchato inchatomashi (Sinafor)

Abetsike nijantiro anampi aminakoterori inchato antamimashi okemitara nijantirori otime yakakotero jebaripaye jebatayetatsiri ashi anampi jaokarika asaeki otime añashintsityaro okameetsate anteri inchatomashiki jebabintayetirori maaroni kaari jebatatsine otime iyotakoeteri yashi antami aminakantirori yapatyero yantaetsiri osaekantari ibakaetiro timatsiri yaminakotiro inkaemabakaeye jebabintirori anampi maaroni itsipanampiyetari yapatyero yaminakotero inchato antamimashi.

Abakojetiro 13. Jebabinterori anampi inchato antamimashi

Abetsikakotero amitakotero anampi inchatoshi antamimashi aminakotirori irotake jebatatsire okameetsatake otime obapite kankobentaantsi ashitarori anampi okoyayetero obabisaero jebatirori pankitantsi aminakotirori iro jebari anampi inchato inchatomashi aminakoterori iritaki aminakotiro sankinatakoetiro inchato antamimashi aminakotirori osaeki ojababintero okameetsatantaryari anampitsite kantatsire antero otimantaryari yakakoetero obiranta okamantabaka okarajetaeyeri anterori kameetsa ojabatantaryari.

Abakojetiro 14. Ipantaetarori antabaere anampi inchato antamimashi

Ipantaeterori antabaerentsi inchato antamimashi (aminakotirori) otime:

- a) Okenkeshiriakotero aminakotero antero amitakotero amakotyaro anampike inchato inchatomashi.

- b) Abitsikakotero akoyero ajibatero añanyaro okenkishiriakari abitsikakotero aminakotero akakotero ashitari inchato antamimashi anampike.
- c) Akobakaero abamitsantero antanyarori anampiki akotakaero aminakotero oñarontakotero amitakotero ashitari inchato antamimashi.
- d) Aminakotero oenijantero amitakotero akimpoyakotero amabentakotyaro ashitari inchato antamishi.
- e) Amakotyaro intsotyero shintsibentaeteriri kankobentaantsi ipantaetariri obasankitantsi erorika itsotyero ipinkatsatero antsinampaero ikantayetashitari apinkatsatero añashibentari aminerori ashiteri inchatomashi omonkaratero aminakotiro aninkatantari (OEFA) Jebaripaye aminerori asaekantari aisati pashinepayeni.
- f) Aminakotirori onijantiro irantaetakirorika anampi anibenterori inchato antamimashi.
- g) Yantero ipaeriantaetariri apototaantsi okantakota pimantantsi kantashiyetachari inchatomashi (CITES) anampiki osheki kantashiyetachari shokayetatsiri kipatsiki otsipatanakiro inkarisato okobapaka.
- h) Aminero obitanta ipaetero akenkishiriantari abakotero abetsikakotero antiro amitakotero ayomparitakotyaro pashinekipayenta aeniro anampi.
- i) Akamantabakaeya anijantero ashintsitaekaero inchatomashite ashitari.
- j) Aminakotero anijantero aminakotero otimantari amitakotaeri ashitari inchatomashi okaratakotsi akobire 391 akenkishiriakotiri osankinatakota ibakotiro anampitsite ayomparitakari.
- k) Abiro abitakari omonkarata aminakotero maaroni antabaerentsi antero anintaeyaro ashitari inchatomashi amakotyaro akenkishiriakotakeri abitsikakotero anampiki.
- l) Antero otimantaryari oetsoki inchatomashi antabaerentsi apimantakoteri pashineki nampitsipaye abamitsantero anijantiri apoñara.
- m) Pashine saekatsiri obakota kantakotantsiki.





Abakojetiro 15. Kampinaerori antabaerentsi anampi inchato intamishi

Anteri anampitsite inchatoshite maatsi jebatirori tsipatabaka yapatyabaka ikarati shiyakoyetariri.

- Aminakotirori Pankotsinipero Apankireta jebatirori
- Maba ikarati anampitsite oniakitanake osaekira
- Apitita apotoyetachari okobapirotatya aparoni apatotantsi poñenkaro aparoni apatotantsi katsinkaeterimashike apite apatotachari parinisato.
- Apiteta pashine jebatayetsire anampiki.

Yoka iritaki inintakaetari jebabentereni yoetiri ibakoetakiri isaeki apinta (5) osarentsipe ari yapetaetajiri ipinaetiri jebari aisati timatsi jebatiri koyereri arika yakaki isampiteri okimotakari ominakotirori Pankotsinipero Apankireta ibakotakimi apinta 5 osarentsi yapitajiro okantire ibakoetiro irotaki tsonkirori arika obikantakobentereni.

Abakojetiro 16. Apaeri antabaeri anampi inchatomashi (Serfor)

Abakotero ashitari antabaeri anampi inchatoshi antamimashi okarati:

- a) Jaoka itimika okantire ikantakantaetsire ibakoetiri anampike.
- b) Ipashitaetari ichankaetsire pashine ipaetaeri poñayetachari pashineki nampitsi itsipayatiro amitakotantsi poñenkaro.
- c) Ikarati aritachari ibakoetiro ikantaetire yantaetiro.
- d) Timatsiri ashitari yantabaeteri.
- e) Pashinepaye timatsiri okantakantiri añabentiro.

Abakojetiro 17. Onintakaeri anampitsite inchatomashite (Conafor)

Onintakantarori anampi inchatomashite irotake iyotakoetero isampitakoetero timayetatsiri onijantero ayomparitabakaeya akamanteri okantakota anampi inchato antamimashi.

Amitakotiro jebabintirori opiro okampinaero pashinepaye jebatatsire arika akobiro akampite oriakitsinta.

Opiro kenkishiriansi okanta anampi inchatoshite okenkishiriari obakotiri.

Antaroite okoyayetsire antabaetatire anampitsite apatyeri maaroni anteri inchatoshite oeminkire kantakobentayetirori jebaripaye asaekantari osaekayetsi apotoyetachari kantakobenteriri anampi asháninka kantiro otimimotsire obaemetaantsi jebaripaye aminakoyetirori tekatsi ipaeteri kapicheni okantakantire ibaekoyetiro okoñatati yantantaetarori.

Osaekakotsi II

Ashitarori aminakotirori

Abakojetiro 18. Obetsikakoyeta aminakotirori inchato antamimashi (Osinfor)

Jebabintirori yaminakantiro ashitari antami ichankaetiro aminakotero ayetakire amabentakotarori ashitari inchatomashi antabaerentsi inchatomashi aisati pashine timayetatsire opaeri asaekantari opakaero kantakobentaeri.

Yantaetire amakotaro inkantakaetantiri obakotiro oenijaerori jebabintayetsirori nijantiro otime aminakotero inchatomashite akantero anampitsite opaero obapite okancha anakotantyarori kaatsi apitsataeroni maaroni kamantantsi opaeri kameetsa otime amakotyaro aminero opaeri inchatomashite jaokarika yaminakoetiro.

Osaekakotsi III

Anakotantsi obiranta asaekantari inchatomashi antami

Abakojetiro 19. Onakotantsi obiranta inchato antami

Aminerori obiranta antabaerentsi inchatoshi antami osaekinta otsipataro anampi inchatomashi okantakanteri intsocheri:





- a) Okinayetsinta anampitsite akakotiri akenkishiriakotiro yaminakotiro kimpoyakotero aminakotero amakotyaro antamishi.
- b) Anijantero antero aminero kenkishiriantsi inchatomashite antamishi oniankitinta.
- c) Anijantero okancha yapatyakotaero aminakotanyarori inchatomashi akakaeri jebaripaye asaekira.
- d) Anijantero anakotantsi pankiyetirori inchato apatyabakachari okantya yakakoeteri ipimantantyaarori abashiñero apimantero.
- e) Anijantero akantero ojibate ayotakotakeri inchatomashite obirayetanta amonkaraeyaro anakotantsi apimanteri anampiki amitakotero ashitari inchato antami anampiki
- f) Anijantero antero kenkishiriantsi amitakotaeri kaari timaperotatsine inchato opototachari asháninka poñenkari asaekira.

Abakojetiro 20. Anakotantsi ashi inchatomashi antami jebari saekatsiri anampinakupaye

Osaekakotsi okantakanteri Ñaantsi 27972 okantakanteri jebatatsiri opinkatsatiro anakotantsi jebari aminakantirori osaekayeti atsipanampitari onijantiro amitakotantsi amitakoterori inchato aminakoterori antami ashitakarori obakotantirori inkantakantaitsi aminerori asaekira amitakotiro amakotaro inchatoshi antami ari okantari onijantiro otimantyarori okantaetyari yakakote saekatiri aminakotirori inchatomashi aisati antami obakotara kenkishiriantsi inchatoshite asaeki anampike jebaripayeri.

Osaekakotsi IV

Osheketsi aminakotero inchatoshi antami

Abakojetiro 21. Aparo aminakoterori inchatoshi irotake jebatirori

Obiranta aminerori amakotarori ashitari inchatomashi antamishi yaminakotiro jebari oniankitsi obakota ikantakantiri Ñaantsi 27867 okantakantire jebabentirori asaekantari.

Ashitaro aparopayeni jebari yakakotiro okaratsinta isankenataetiro ashitari aparopayeni UGFFS obirara jebari yaminero okanta ikanti ibakoyeta maaroni ikarati saekantarori ojebatiro aminero amakotaro ikarati saekantarori otime inchatomashi obapite onintakaera inchato anampi.

Aparopayeni jebari inintakari ibiri jebari UGFFS isaekantari otime aparoni koyantsi.

Aminakotirori ojebatantaryari obetsikakotya UGFFS otime okanteri yotakotirori inchatomashi apotobentirori ikobiro yakakotiro jebatayetatsine asaekira asháninka ibetsikaetiri UGFFS.

Abakojetiro 22. Obetsikakotirori inchato antamimashi (UGFFS)

Obetsikakotsirori yaminero inchatomashi antami (UGFFS) aparoni okanta yashintsatarori antami apotoyetachari antabaerentsi kankakobentsiriri apotoyetachari pashine jebari ashimintsi ojebate antabaerentsi otsonkia kameetsa yamenakotero inchatomashi antamishi (UGFFS)

Iriro CGFFS oyotakotsiri jebaripaye anampiki inchatoshite antami (ARFFS) okantakota akobakakari jebabentaeri ayotero ikarati amitakotaeni okantabaeta anampi jebaripaye asaekira inchatomashike antami onintakaeri akobiri ojebatantaryari CGFFS.

Iroka CGFFS antiro okarati akobiri:

- a) Apatyakotero jebatatiri anampiki aisati jebabentaeri ibitsikakotero antero akobakaero otimimote okarati opaeri inchatomashi antami.
- b) Akakotero antabaerentsi aminakotero amakotyaro ojebate koberori anakotantatiri.
- c) Amaerete abitsikia aminakotero kobinkatatsiri timatsiri amitakotaeri inchatomashite antami.
- d) Ayomparityari aminakotero jebatayetatsiri pashineyetatsiri amonkarantyarori inintakaeteri.
- e) Akakotero okarati okobiri kenkishiriantsi oninteri UGFFS.
- f) Pashine okatsire okobakari ikantakantaetiri.





OETOTARI III

Aminerori inchatoshi antamimashi

Abakojetiro 23. Aminerori inchato antamimashi

Aminakotiro inchato antami iritake aparoni ashitarori yaminero kenkishiriantsi yoperotirori okobire obakotya sankinataekoetiro anampitsiteki inchatote antamimashite okenkishiria antero inchato antami, antami otime itsochero okarati antabaerentsi kenkishiriakotakeri anteri akakotakeri okantakobentero amitakotero inchatoshite opaeri iriroperotatya opiri jebatitori ashitarori kameetsaperori kenkishiriantsi ampashityaro okameetsati achankiri sankenatantsi inchatoshite.

Irirori akaemire jebatatsiri asaeki inchatote antamishite aminero ajebatero abakotakantero anampitsiteki inchato antami kobachari abakotero ajatakotantyarire yotakatirori obakotantari asaekira ikantakantaetiri.

Akenkishiriakotero ikantakantaetini osaeki anteri antsotyeri ikarati jebabintirori inchato antami ari okantari ojebatantyarari antabaerenti inchatomashi okarati ontime omonkarabakaeya iroka antabakantsi.

OETOTARI IV

Akenkishiriakotyaro inchato antami

Abakojetiro 24. Aminero akenkishiriakotero amitakotero inchato antami

Akenkishiriakotyaro inchato antami obakota anampitsiteki inchatomashite antami abakotero ojebate inchashite amakoperotyaro anintantyarori amikotero amakotyaro ashitari inchatomashite irori

okobiro otsimantari ojobate onintserinta okantakantiri kenkishiriantsi anampiki inchatote antamishite antsotyero obiranta asaekantari.

Iroka kenkishiriantsi yantaetiro ikobakaetero yantiro aminakotero inchato abakotero opashitaeni inchatomashi okarati abatsikakotiri asaekantari inchatoteki intamishi obira asaekantari atsipariro okarati opaeri inchatote.

Kenkishiriantsi anampiki inchatote antamishite otime kantashitachari aninkatire oyotiro otyakitantari apankitashitero antami amakotyaro ochakitanyari amakotyaro itaetsirokari inchatoshite amakotyaro inchatomashite akantakobentero kaatsi itobaetero mabaetantsi pimantantsi kaari ishinitire antamishite amakotyaro akisakobentyaro obayetaroni kemitatsi inchatoshite kantabaeshitanyari kemitatsi akantakobentero inchatote ojobate pimantantsi inchatomashite pashinepaye.

Aparopaye jebari aparoni ikobiro intsipatyari pashine jebari yakakotiri ikenkishiriari inchato antami obirora anampimashite inchato antami kenkishiro okarati yapatyero aninkatantari aparopayeni jebari yapatyabaka atsipinampitari apatyeri pashinepaye jebaripaye yakakotiro kenkishiriantsi inchatomashi antamimashi obirora asaekantari.

OETOTARI V

Asaekakote ibitsikakotero inchatomashi

Abakojetiro 25. Okobakari osaekakote monkaraero okobinkakoteri

Kipatsi inchatomashi añantyarori osaekakote inchato otsonkiro okanta ametakotaeri inchatomashi otime ashintsibentero.

Ikantakoetiro inchatomashi otsonkatantari aparoni inchato otime obapite ashitayetarori iritake amenakotirori obironta

Onintakari kantakotantsi otime omonkarataero okobiri amitantsi otimimotero yametari aninkatantari osaekakote ojibatanyari inchato amakotyaro apinkatsatero onintakari asaekantari.





Abakojetiro 26. Osaekakote ibitsikakoetero inchatomashi anampitsiteki

Osaekakote inchatomashi abakotero ashintero akakotero obironta kipatsi inchatomashi irantaetiri ibakoetiro opaemati oejatiro onintakari okanta osaekakote amitantsi timimotantaeri timatsiri akobakaero anite inintakaeteri kenkishiriantsi aminakotero obironta ayotantyarori apinkatsatero yametari kipatsiki apotoyetachari ari okanti Obakotiro Anampitsite Perú Okantakantsiri.

Osaekakote okarati antiri saekantarori timatsiri obapite kobarori apatotantsi akotero pashine apatotantsi antiro onintakaero okantya oñashirinkatyarori okantiro kameetsari okantero osankinatakotiro Apatyakotantarori 169 OIT.

Osaekakote inchatomashi aminero anintakaero antamite otsipataero oyotiro antiro kipatsi akoyero kantabaetachari antami (abakotiro inchatoshi) amakotarori inchashi onintakari opaemati nijaerori otsipariro obametsantirori inchatoshi okabaeta amakotarori okantabaeta opaemati kobityantsi ametantsi otsipatari obirori asaekantari iroperori atsipataero aminakotirori atsipatari aninkatantari antamisato otimantari antire ametari kantabaetatyari ashitarori pashinitakaerori aminakotiri inchatoshi omonkararo okarati opashiteri kantashitachari apatyari inintakari omatakiri ibarontari okantaetari timimoteriri antiri opaematsi onijantirori.

Asaekakote inchatoshi otsonka okameetsatantari obira antiro ojobate otsapite opaematsi onijantirori inchatomashi pashine inchashi atsipataero apisakotero okantabaeta apiro ashitari anteri opaematitiri otsonkatantari anintakari amitakotaeri inchato antami.

Okantakotiri inchatoshi aminero otsonkatantari aparopaye kankakobentantsi inchatoshi opaeri akankakobentantari anintayaro okantabaeta kankakotantsi asaekantari onintakari iroñaaka inkankakantaetiri antantyarori aejatiro akankakotero abamitsantero inchatomashi okantabaeta aminakotiro inchatoshi.

Abakojetiro 27. Kantabaetachari osaekakote (okantaetachani) inchato

Asaekakote inchatoshi onintakaero okarati:

a) Asaekantari otime okantaetari

Okantabaeta, ashitarori, timatsi intarori (apitetatsiri okobakari) inchatoshi.

Irotake bitsikakotachari antami okantabaeta:

1. Antamimashi okantabaeta I. Irotake antami ashitarori intaro apitetatsiri okobakari anintaeyaro amitakotero opaeri inchato antami jaokarika opoña otimantari itotaetsiro inchato antami anintanyarori otimimote amitakotero opaemati inijantaetiro.
2. Antamimashi okantabaeta II. Irotake antamimashi ashitarori oejatirori okobakeri onintakaero ashibaetya amitakotero ashitari inchatoshi antami jaokarika ipimantaete inchato itotaetsiro aparoni okanta te opinaperoty yanintaro irotake yanirontari otimimotiri atabaemantsi opaemati onijantirori.
3. Antamimashi okantabaeta III. Irotake antamimashi intarori oejatirori okobakari opinatya abarontyari ipaeteri opaemati onijaero okantya anintaeyaro amitakotero opashitaeri inchatoshi kantaechari itotaetero okantya te anintero akotero maaroni inchashi okemitara inchamaishi antamisato opaeri opaemati onijaero.
4. Antamimashi opankitae IV. Irotake inchatomashi oetsokitari inchato, irotake apakintantarori otime osheki anintanyarori inchato okemitara anintanyarori otsimimote antabaerentsi opaemati onijantero akenkishiriro okantakeri okameetsate.

b) Osaïke aminakoterori amakotarori antamishi

Irotake onijantiri tera okisopirote, ayotero apiaje akobiri intarori te okantaetatyari antamimashi obakota okantya ikimpoyetero aninkantanyari tekatsi okantashitya.

Aririka omonkarabakaeya otsipatabakara inchato antamishi amakotaro ashitari inchatomashi antami anampiki okanti ikantakantaetiri Ñaantsi 26834 okantakantiri Ñaantsi Antami Amakotarori, aisati Onintakari; Okantakotiro Oñabintirope 1013, Okantakotiro oñabintiro akakotiro ikantakantsiri ibashiñero jebatayetsiri aminakoterori aninkatantari; 1039, Okantakotiro oñabintiro obashiñero inintakaro Okantakotiro oñabintiro 1013 aisati 1079, Okantakotiro Oñabintiro otime imonkarataero ikantakobintero ashitari antami ikempoyetiri okobakari onintiro obakotero.





c) Osaïke akotajero

Irotake akobiri aminakoteri okantya aepiyero otimaje inchatoshi aritake obakota okarati osaeki:

1. Osaïke obira akotajero okoñatsi inchatoshi okantya okitsote inchatoshi. Irotake kipatsi kaari timatsini okoñatsi antami intarori inchatomashi apitetatsiri ipankitero inchato inintakaro oshekite inchato apankitero akotero inchatomashite apankitero kameetsa okitsote okantaetatyeyani.
2. Osaïke obira akotajero okoñatsi inchato abametsantajero aisati akimpoyero. Kipatsi okameetsate inchatoshite amakotyaro kaari otime koñatakotatsini antami intarori oejatirori ojobate omonkarabakaeya 30 oshekaintini osantsati, okobiri antsikakotiro kantashibaetachari shokatsiri anampiki aminakotero apankitashitaero abamitsantero oenejaerori ashi antamimashite okitsote inchatoshite kantashibaetatyari aero opiro okoñatira inchashi iro abisatiri.

d) Osaïke obirari aminero iroperori

Ari obirari antamimashite, koñatatiri, anibintantarori, ametari aisati okantiri okobatya, aminero jaoka akantero antantyarori. Otsipariayeta okarati:

1. Abarontyaro kipatsi yashi ashaninkapaye arika otsonkapakia intarori, iroka abarontari kipatsi okantiro ikantakantaetiri Ñaantsi 28736, ikantakantaetsiri Ñaantsi Amabentakotarori yashi ashaninkapaye ashitarori inampi ari yokaetari intarori amakotariri ibakotiri irotake apirira ibapite saekantayetarori.
2. Obira okitsoti inchatomashi iroka oenijantirori opashinitsi osaekira kipatsiki inchatomashi amakotarori irotake abisaentiri okoñate maaroni ipankitakiri oshokaki onijantiro amitakotiro okitsoti okantaetari osaekira kipatsi ametakaro antamite aninkatantari irotaki otsipatantarori inchashi inchatomashi otime inchato amitakari okantya okitsite inchato antabaeri ashimate okantya amitakotaeni ametakote abarontya okatsi onijantaeri.

Ayotero antiro obantsipashi onijaero inchatomashi pashi onijaero inchashi antami kipatsi aminero anampitsite.

3. Antami obirantarori timapantatsiri iroka saekitachari intarori otsampishitakotachari otimantari isaekantaetyaro ibashiñitero aminakoteri intarori inchatoshi ashitari otsampishi obira

inintakaetero ashintsiti irori opinatantari aninkatantari maaroni ojebatantari antami keripiri okantabetaka opiro aninkatantari ashonkiro obaronta antiri oenijantiro ashitari iroperori isaekantsi ikenkishiriakotiro inintakaro otime opiro ametakotantsi yanintanyaro timatsiri inchato antiri oenijaero inchatomashi pashine inchashi shokatsiri inintakaetaro yayitero inchato yanintaeyaro ipimantero antiri onijantiri akobiri otime kantakobentereri iroñaaka ikantakantaeteri.

4. Apotojetachari inchashipaye, ashitarori onijantiri antami obitsikirori kantashitachari inchashi iroperori.

Akenkishiriro inintakari okantya yantiro ininteri amabentarori yanintayaro inchato yanintaeyaro kioki antabaerentsi oenijairo okobakari otime ipinkatsatari.

Abakojetiro 28. Aparopaye abiro inchatoshi

Aparopayeni ibaekaetsiro inchatoshi obakatiro apatyabaka jebaripayeni oyotiro kenkishiriakotantsi ibakoetiro abiro yapoetiro yamakaetari irotake inintakantari inchatomashite aero akantabaeshita otimatye aminero okantya ojebate.

Aisati aparopaye mitsiakachari inchato kobirori isankinatakotya ibakoetiro inchatomashi jaokarika osaekakotsi jebatakantayetsirori obakotara (sunarp), akobakaro okantiri anintakari ikantakantaetiri.

Aparopayeni inintakaetari inchato okarayeti:

- A. Antami timatsiri okantaetari saekatiri, oshitobakotiro jebabintirori aminakotirori ora Pankotsinipero Apankireta.
- B. Antami okakini, saekatiri okakini osaekakotsi anteroni Serfor.
- C. Antami ibarontaetari, okoñatakotsi obakotera yantaetiro Serfor.
- D. Antamishi ikantakobentaetiri, ikantakoetiro ibakoetiro ora Serfor.
- E. Antami kipatsi asháninkapaye aisati poñenkari, ashitarori iyotiro jebatatiri inchatomashi antamishi.
- F. Antami timatsiri ashitarori, iyotiro jebari inchatomashi antami.





Abetsikakotero antero inchatomashi akobiri inintaeyaro ipaeri jebariperori aparopayeni abetsikakotero inchatoshi.

Abakojetiro 29. Antami antaekitantsiri okantaetari

Inchatomashi antaekitaetsiri okantaetane otime ipaetsiro ojebatiro okantakanteri ora Pankotsinipero ora Anenkate, onintakari ora Serfor, antami iyotakoetiro I aisati II, otime oshekite okantaetari inchato aisati pashine timatsiri inchato okemitara antamimashi amakotari antaeri onijantiri.

Anampitsite onijantiro aminakotiro apatyakotiro iroka antamishi. Irirori, jebaripaye inchato aisati antamishi yantiro, ojebati pashine amarantatirori obamitaerori akantiro iyotantaetaerori okobiro okantapirote ametakotantsi anintatyarori anampi antiri oñantaro oninkatantsi asampiteri saekayetatsiri ari okantake akobinkate arika asaekapake.

Ari yaminaetiro jebari ashitarori aparoni aminakotirori inchato aisati inchashi (UGFFS).

Abakojetiro 30. Antamishi isaekira

Antamishipaye asaekira irotake inintakaetari yantaetari okameetsate saekimotirori yanintantyarori yamitakotero ipimantaetaro itimimoteri onijantiri inchatomashi pashine onijantiri inchashi. Ari okantake ikenkishiriakotero anintaeyaro inchato, opaeri kaari pimantachari antami obinti pashi otime yaminero ibitsikiro jebaripaye inchato aisati antami aminakotero antiro Osinfor.

Obirora okobiro arityari antiro osaekira akobakari saekayetatiri yamitakotero otsonkia kenkishiriakotero okameetsate yakakotero jebaripayeni inchatomashi aisati piratsipaye antamimashi.

Ora Serfor okantiro antamishi okakini okobiri jebaripaye inchatomashi aisati antamimashi ora jebabintirori asaekira kantashibaetachari osaekakotsi okobakari inchatoshi kipatsi amenakotiro saekayetatsini otsipatanakaro antamimashi timaetsiri ikantakantaetiri.

Iroka abakota ari intakiro aero akenkishiribakiro timatsiri 2.9 ora abakota 73 ari ikantakantaetiri Ñaantsi 27972 okantakantiri ashitarori asaekantari.

Antantarori aisati okobiri ojebate antami asaekira, anintakari antero okantiro aminakotirori ikantakantaetiri.

Abakojetiro 31. Antamishi ikantakobentaetiri

Antami ikantakobentaetiri oaseki antami ibakoetiro III osekira otime okantaetari antamishi timarantaetiri aisati okantaetari yaminakotero yamabentakoetaro onijateri inchashi okariperota okantya antabaete otime inchatomashi antamishi kaatsi apiashityaro amakotari.

Asaekantari anampi antiro aminero aninkatantari osampitire saekantarori arika opomerintsitakia isaekantari oyentiro ipaeteriri amenakotero akinabaete onintaeyaro inchatomashi kantabaetashitachari saekatiri antamiki okemitara ayirorika ashi oñantyar.

Abakojetiro 32. Antamishi timatsiri okantaetari ibarontari

Irotake inchatoshi timatsiri ari okantaetari asaekantari aminero obaronta arika akobapakia.

Abakojetiro 33. Yakakoetiro osaeki inchatomashi

Osaeki inchatomashi yakakoetiri ibakoetsironta aminakantirori aninkamentotsi okanti apatyabakaeya maaroni jebari inchatoshi antami.

Abakojetiro 34. Asaekakotsi inchatoshi

Abetsikakotero asaekakote inchatoshi okantya ayotero onijantero asaekatotote obakotya intanakiarori aparopaye aminakotero inchatoshi obapite saekantarori pankaitaenchari kipatsiki akootiro maaroni pankitaenchari inchatoshi timaentsiri amakotarori okemitara ipatsite apototachari poñenkari aisati asháninka. Iroka kamantantsi ashitarori maaroeteni.

Iroka obitsikakota aminerori Serfor aisati amatanakiro aminero anampitsi otsipatanakaro onijantiro obakotya ojebatsinta anampitsite asankinatakotiro asaekantari (sunarp) aisati abakotantari inintakaro asaekantari osekira ametari kirikipako aminerori aninkatantari.

Osaekatsi inchatoshi aminakotero oñashintsityaro maaroni saekantarori anampi jebari ipaero okarati akobiri opaeri inchatoshi antami.





Abakojetiro 35. Abakoyeta anampitsite aisati akimpoyero inchatoshi antami

Irotake Serfor aminakashirori ojobate antero okantaetyari akotiro obamitsantero abakotiro anampiki aninterro antami inchatu apatyero jebaripaye asaekira iroka ibapaetiri otime yantiro pashine arika antakiro obamentsatakotiriri. Iroka Serfor amakotyaroni kamantantsi aritake ipaeteri saekayetatiri.

Aninterro ashitari inchatoshi antami antiro obirora iyotaetiro ibakotiro amenakantirori aninkatantari Pankotsinipero ora Anenkate. Iroka Serfor irotaki nintakarori antero okarati yantaetiri inchatomashi antami aparopayeni ari omonkarabaka okemitara ayomparitabaka ipaetiro asankenatakota inchatoshi antamishi Sinafor.

Jebabintayetatiro CITES antiro amenakotiro saekantayetarori kanta shibaetachari antamiki onintakari antero akenkishiriakari.

Irotake aminerori otsipatero onijantiro otsipariro oshiakantakota okantabaeta omonkara okameetsati otimantayetari okemita asariantisi okanta añantari otime ibakoetiro oyotantyarori asaekantari tema irotake aminerori anampi otsipatanakaro tsinkimentotsi jebari amenakotirori irika jebabintirori CITES irotake ibantarori antaro sankenatantsi.

Abakojetiro 36. Anintakaeri kaatsi antami

Kaatsi antami arika yokakiyo maaroni inchatoshi okanta yantiro opeya okabaeta antami kaatsi inchatoshi okaraetatsi opiaka ashitari inchatomashi otimatyari antabaeti apankite kitsotatsini okantya apankitero inchatu ametakotero aririka apankitaki abashitsantajiro inchatoshite otimatye shiyakomentotsi okimitara shintsitatsini aminakotiro kirikipako.

Okobatya anintakaeri okantya ora Serfor iro jebatirori inchatomashi aisati antami ashitarori akenkishirero aminero aninkatantari oshintsibentae onintakaro oñakantiri anampi aminakotiro aninkatantari okantara inintakaetaro obakota ikantakantaetiri.

Iroka obantsipashi ari okantaki oñashirinkiro apotoyetachari poñenkaro aisati asháninka okameetsati asampitero okobiri Apatyabakero 169 ora OIT.

Otsipataro onijantero okobiri entarori antabaerentsi otsipataero amenakotirori aninkatantari onintakaro jebari okarati antabaerentsi yantaetiri amenakotiro onijaero antabaerentsi obakiri iro

okanti kayiro pashineki kaari aninterori tema okantakobentatiro otsotyero aninkatero kameetsa ikobaetsiro okameetsate obantsi pashi okameetsaperoti obamitantsi timatsiri omapiro oninkatantsi otsipataero obirara opinatantari ametakotirori oshiyaro anakiro kitsotatsini inchatomashi kamaetsiri.

Aero anintakaero obantsiposhite obiro kipatsi yashi asháninka arika yokaeteri pashine intaraeyaro.

Aririka ikobaete impaete, ipinaete pinatachari ashitari inchato iroka itobaetakiro opinataty antabaerentsi yokataetsiro entarori ari inintakaetakero obenteni ipaetaeri onijantiri obira ipaeteri ikantiri jebari inchato ashitari arika otimape inchatomashi irotaki apimanteri apinatero timarantatsiri anintanyarori obakota okobiri anteri.

Abakojetiro 37. Te anintakaero ayomparitya aipatsiteki iripirote inchato amakotsi

Kipatsikipaye amonkaratanta inchatomashi opoña oyomarantanta tikabentirori, te otime inchashimashi, te inkobaete antabaere apiro otsonka antabaerentsi.

Te inkobaete ipaeta osankenatapirotyari ashitaperotantanakiarori oñaane pashine patsaeri kipatsiki ashitari omokaratanta oshekitsi inchatomashi amakotyaro tekerata osaeki antamishi okemita paetabaeshitachari iyotakoetantaeri apankitsiro inchatoshi okantakanteri aminakoyetirori.

Eiro okantitsi impataero ipantaetyarori ashiperori okantakota sankenariantsi antabaetanyarori okantashininta amenakotirori kobachari ametakotirori katsinkaeteri orinkari obira osaeki yantashitaro okantabashita okantakantiro kankotantsi poña obitsikamento iroka kankantaechari okantakotiro aero akisanintakotiri okantakantsi ashitari kipatsi ashi anampitsite opoña poñenkari antamishi.

Abakojetiro 38. Yantabaetatiri kipatsi antaroperotatsiri kipatsi okarati okankitetsi pankirentsi kaari kamanitatsini saekakotatiri

Antamiki iroñaaka irojanike ari ontimatye manakotatyari kipatsi mapiporoki ashitari okoñatakoti yaminakoetiro itsipariayetakiro oshekitsinta omonkarate apankirenta kankitakotatsiri pankirentsi kaari kamanitatsiri okantakota asankinatakotanaka otsipariro kipatsipaye oshekite antabaetanyari, ora serfor kankantirori ari okantaki oshinitero opiematero antabaetanyari iroñaaka antabetanyari ashi pankitantsi, opinkatsatanakiro oasekira kirikishi, niyanki jeñokiri yakakiro pinkatsaripaye saekatsiri katonko terika anampi jaoka okanta okenkishiria aninkate antamishi oñaakeyaro okanta amenakotirori





okakotirori apiterote pinkatsaritepaye otsonkatantyarori oshinitiro ipotsokero yantabaetantaetari iroñaaka okanta ajiro obironta omaronta mapiporoki okanta oyatero osankinatakotara inchatomashi kankotachari ashitakoyetachari obira inchashimashi jaoka otime opiyota mapiporoki aepiantyarori okantakotyia ishiteitero yantatyero pinkatsaripaye katonkosati antamishi poña piratsipaye jaoka okantakota yaminakoetiro okarati asaekinta.

Okantakota, aparopaye ashitakoyetachari pankirentsi yamakotaeta kapicheni opiyotanta mapiporoki apankienta, okantabitya ishintsibentaete amenakotero inchashimashi saekatiri parinitsapiaki amakotyaro.

Abakojetiro 39. Okimpoyantari ari antamimashi aisati piratsipaye antamisati

Irra serfor, akakotabakarakia otsipatyari pinkatsaripaye, amenakantirori antamishi katonkosati ibakiro imisaekaro, inijantero yoejatiro aisati yantakotsiro okantya yaminapirotero initaeyaro yaminakotiri, ikimpoyero. Yamakotyaro ashitari antamishi poña piratsipaye oñakitsi obitsikanakia otsapari, okaratsi yamakoteri iyotantaetyarori osaekinta kariperotatiri antantyarori asankinatakotero amashiyetyaro okantara amabentaro antantyarori jaoka okanta akimpoyantyarori okarati timakotatsiri karaporokitatiri, akantakotantyarori impitaro okaritsini omonkarati antabeteri, akotero kantashibaetacha onijantirori okarati abiri antakoteri onijantero akotero opaematsi onijantiro okimotantantyarori opashikakota antamishi oniankitsi pankirentsi paye opoña okantakota pankirentsimashi aisati inchatoshi, pashinepaye.

Kaari ashinite poña otsipariakoyetachari ashi antamishi opoña piratsipaye antamisato yasaritari osaekakotake sankenarentsi poñakaro katonkosato ipichakiro ora Pankotsinipero ora Anenkate aisati oniankitsi yaminakotero iñanatakotero kankobaeshitachari yotakopirotirori oasekinta kaari kantaperotatiri osaekakotanaki okoñatakopirotanaki okantakantero ora serfor okimpoyantyarori saekapirotatsini antabaeri antami opoña piratsipaye opoña itsipayetari.

Ibaetake monkaratantsi okantya otsapatanakia obakotiro okantakantiri sankinarentsi.

Abakojetiro 40. Intarori kanabaeshitatyari inchatomashi

Intarori kantabaeshitachari antamishi timatsi kobapirotatyari okobiri iyoti obira antabaeta obatsa ayote akantabaetya kaari kamitsatatsini obira antami, opaeta akobiro ora serfor, te ayote amperi Anteri Anampi Abintantsi (senasa), anintakaero obakota obakopirotya.

Abakojetiro 41. Kantabaeshitayari yamitaeri te opinkatsatante

Irra serfor, akobakaeri jebaripaye yantiro kenkishiriantsi yaminakoetiro anintakaro kantabaetachari amenakotirori ashitarori otime antiro kaari pinkatsatantsi onijantirori ashitarori okakiro kanabaeshitachari ashitarori yanakotero maaroni obarentsi antero okobinkatsi añantari kantabaetachari.

Abakojetiro 42. Tsañanti kantabaeshitachari antami

Irra serfor, intarori ashityaro jebari inchatomashi aisati piratsipaye antami, okantiro okantakotero tsañantsi otsonkiro, kantashibaetachari okemita kantabaetachari antami ashi anintaeyaro amitakotero amonkaratya obiraya iropirote.

Onintakaro okobiri aninte otimimoteri antero tsañanti.

Abakojetiro 43. Shiyarori antamishi ipantantaetari

Ora Pankotsinipero Apankireta amenakoterori pankirentsi aisati jebaripaye antami onintakari antami ipankitaetaetari okantya amankotero antabaeri aninkatantayari otimimotantaeri obaretentsi. Pankotsinipero Apankireta amenakotero pankirentsi ashityaro antamimashi omonkataeyaro anampi osaekantayari antabaerentsi omonkaratya amitakotero amakotyaro.





ATSIPARIRO APITENI

AMINAKOTERO OPAEMATI OKOÑATI INCHATOMASHI AISATI PASHINE KOÑATATSIRI INCHASHIMASHI ANTAMISATI

OETOTARI I

Aminakotero inchatoshi

Abakojetiro 44. Otsapatakota osaekira aminakotiro inchato

Ayotakotiro aminero inchatoshi antabaerentsi okantabaeta aminero, aminakotero, akenkishiriakotyaro, anintaeyaro, abashiñero, ashiyabentero, otimimotero, amakotantsi, aminero antamimashi aisati pashine opaema okoñatsi inchashimashi antamisato, amakotarori okitsotanchari otimeri amitakotantsi antabaerentsi aisati akimpoyero oshekite aisati okatsinkaetetsi.

Aminero inchatoshi okantabaeta ominakotsirori opaematsi onijae, okobipirotatya maaroni anintaeyaro opimantero ashitari inchato aisati antabaerentsi opaemati okoñati inchatomashi aisati pashine opaemati okoñati antamimashi ayotero kenkishiriantsi ikobakakaro jebaripaye aminero inchatoshi aisati antami antamisato. Ikenkishiria amenakotero inchatoshi otimiri omonkaraeyaro okatsinkaetetsi amonkaraeyaro ashinitero.

Irirori serfor okantiro otsapatantari onijaero aminero inchatoshi oñero okantabaeta anintaeyaro aisati okobapirotatya amenakoterori maaroni okameetsatantari aparopayeni asaekira aisati abaemantiro aparoni opaemati, okoñati okanta okameetsati aisati onintapake, pashine akoberiri anintiro akantakotero. Iroka otsapatantari aminero antero ankenkishiriakotiro iyanini aisati antaro ojobate, shintsini yapatyakoete okantae yantajetero yantaetiro ashitarori.

Pankitataripaye inchato akenkishiriakotero nampitsi aisati aminakotero inchato te onintiri aminero jebabinterori inchato aisati antami antamisato akenkishiria aminakotero.

Abakojetiro 45. Akenkishiriakotiro aminakotero inchato

Akenkishiriakotiro aminero okantero abakotero okantabeta aisati asaekira timatsiri anintaeyaro; anintakari iyanini, osamanite onijantero; amakotyaro oenijaero aisati otimantari ibakoetiro yamenakaetatiro, saekantarori ashitari anintaeyaro okantabaeta; onijaero anintaeyaro aisati okobatya okakobintero ashitari yanintaro; okanta opaemati oinijaero okobakari amabentya amaereti anijantero osaekira okantabaeta ashitari aminakotero jaoka okanta opaemati okoñatantatsi ashitantarori maaroni pashinepaye otimantari otimantari kankotirori.

Yamenakotiro yotirori aisati yantiro kenkishiriantsi yamenakotirori inchato otime akobiro okantabaetapaye okoñati pashinepaye antamimashi aparopayeni osaekira anampi aisati antaroni onintaeyaro akantero amonkaratero. Okantabaetashitya timatsi pashine kiripiri, asarimatae okantashita ametarori kapicheni oshekitaki, ibakoyetiro antamimashi okantya anintaeyaro.

Jebabintirori inchato aisati antamimashi antamisati akiro antabaerentsi aminero obakatiro osankinatakotiro ashikinta kapicheni iroperori kenkishiriantsi aminero akakotiro, antiro aminakotayetirori.

Okenkishiriakotiro, onintakaro akakotiro okatsinkaeteti onintakaero kenkishiriantsi sankinarentsi.

Abakojetiro 46. Akobakaero aisati aminakotero kenkishiriantsi aminero okantabaeta CITES

Abakoteroni maaroni timatsiri akenkishiriakari kapicheni anijantero, onintaeyaro kantashibaetachari inchatoshi obakota apatyantarori okanta ora Apotojeitani ora Ayomparitantsi Maaroni Piratsipeni orama antamishi asati antamisato (CITES), Jebari aminakotirori CITES, akenkishiriakotirori jebaripaye inchatoshi aisati antamisato, aminero okantakotiro okantabaeta okarati ikantakotiri ashitarori kenkishiriantsi okanta aminerori iritake tsonkirori okantabaeta okarati ikantakotiri abakoyetara II, aritaki aminero okobapirotatya maaroni impaero.

Aritimataka, irirori osinfor aminero antabaerentsi kantashibaetachari aritya maaroni impaero, okameetsate akisashiribaetsa abakotsiri okantakotiro ibitsikantaetarori. Okantiri aminerori pashinepaye irotake obirori atirini onijaero aminakotirori, ora Pankotsinipero Apankireta, tema Jebaripeni yotaperori CITES Perú, ayiro okantiri jebabintirori yantiro ayerori tera ikisanintabaeshitya.





Okantya amakotyaro aminero kantashibaetachari inchatoshi obakota CITES, jebari aminakotirori CITES amenakotero obakotara itsoyerorika kenkishiriantsi antamimashi kenkishiriantsi amenakotirori.

Abakojetiro 47. Kenkishirianti amenakotero okantabaeta irantaetarori aparopayeni kipatsi saekantayetarori, pashine ashitarori aisati antami inchato

Arika antabaerentsi iraetsiro pimantantsi kapicheni, okibetyeya kipatsi apoyetachari parinisati aisati poñenkari, ashiyetarori aisati antami asaekantari, jebabintiro antamimashi akakotiro onintakaro onijantero kenkishiriantsi aminakotero yantantaetarori aparopayeni.

Abakojetiro 48. Kenkishirianti mapirotachari oñabakaeya jebaripaye asháninka arika yokaete añabakaeya intarori

Obapite ashiyetarori ipaetiri okakine yamakoetari osaekira anampi onintakaeri asháninkapaye arika yokaete intantajiarori jaokarika otime okakitatsini, kenkishiriantsi iroperotatiri pokashitayari añero pashine apoyetachari. Pankotsinipero Ametajeiteri ora anteroni osankinatiro otsonkantayari aisati akiro kenkishiriantsi akobiri, arotaki ibakotiri yakiro kenkishiriantsi yaminakotero ibakotiro inintakaro ikantakantatiri.

Okobaperotatyashitarori ibapite ipaetiri ipiyero ora Pankotsinipero Ametajeiteri yaminakotero, okanakiri, okantabaeta, isaekira asháninka yokaetiri yantiro intanajiaro kayiro monkaratantsi kobaperotatyari, itsipataero itotero aisati ipaetajeri obirapa ibapite ipantaetarori.

OETOTARI II

Anki anintaeyaro opaemati oenijaero inchatoshi aisati pashine inchashi antamisato

Osaekakotsi I Anintakaero abakotero

Abakojetiro 49. Opinata okantakobentansi onintaeyaro ashitari inchatoshi

Anintantyarero oinijaero inchatoshi aisati pashine oenijaero anintakaero anampitsite, otsipataero ashitari aisati antabaeri, otime apinatero onintakaero anampi okantakobentansi anintaeyaro, okarati saekakotatiri ikantakantaetiri. Okarati yakiri, pashine osaeki inchatoshi, aparoni okantiro yaminakoetiro aisati ikimpoyerorika ashitari.

Aparoni kantabaeshitachari anki timatsi oenijaeri inchatoshi okantakobentani aninataeyaro okarati abakotero opinatya ashitari ipaetirori, obakotantari sankenarentsikika.

Ipinaetiro okantakobente onintaeyaro oenijaero inchatoshi osaekakotsi okantabaeta:

- a) Atobiro inchatoto imantari aisati opaematsi, anintaeyari, okantiri ashitari ipaetirori.
- b) Ashitari antami onashita inchatoto, onashita opinata ashitari anampi timatsiri opinatantari ompimiri.
- c) Akobiro inpaetaeri, otimatyari okameetsate okantabaetara.
- d) Ashiyetarori ipankishiyetari yantabaetantyarori antamishi timatantatsiri obirantarori
- e) Anintakanterori ashi achashimashi opaemati onijaero inchatoshi aisati pashine onijaero antamimashi kipatsiki anteroni, ikarati piratsipaye.
- f) Anteri opaemati onijaero inchatoshi aisati antami antamisato, okobiro opinatya ashi anampitsite akobakaro onintakaro apinatero okantakobentani anintaeyaro.

Obakota okoñatsi ikantakantaetiri okantabaeta ipinatantaetyarori obirakota obakota.





Abakojetiro 50. Aminakotero ipinaete okantakobetero anintaeyaro ashi inchatoshi

Tera okantya pinatantsi okantakobentero otimera anintaeyaro:

- a) Ipaetero aminero arika akenkishiriri, aminakotero yakakoetero antero antabaerentsi aminabaete aisati ayiro, apatosanotero okarati saekatiri inchatomashiki okantya aisati apimantero okantabaeta, iroka iroñaaka, okantakobente anintaeyaro apinatero okantara obakota sankenarentsi.
- b) Anintaeyaro, osabaete, asaekantyarari, ashi asháninkapaye aisati poñenkaro aisati asháninka aisati pashine atirini ashitarori antami, okantabaetara, obakota kenkishiriantsi.

Osaekakotsi II Inintakaetero obapite saekantarori kipatsi ashitarori okoñati

Abakojetiro 51. Kantakobentirori inchatomashi

Kantakobentirori inchatomashi okameetsate obakota, ari okantake, okantakobente okonta anintakaro ashitayarora pashine otsipatari inchatomashi obapite. Ashitaro inchatoshi, onintakaro aisati obakota okantakobentantsi asaekakoti anampitsiteki okameetsati.

Arika oñashirinkakae pashinepaye okantakobentakari otime ipaetero okantya ashityaro otimimote, obapite ari ashiyashitero okantakobentirori.

Oniyankitsi ashitaro inchatomashi, iroñaaka anampi jebari, opaero, obira ashityaro, okantakobente anintaeyaro aminakotero ashitari inchatoshi aisati antamisato aisati okantakobenteri anintaeyaro amitakotero inchatomashi otimimote ashitanyarori antami ayiro okantakobentakari antabaetanyaro inchatoshi okonobanakiro inchato okantara ashiprotaro okarate jebatiri inchato kantashibaetachari ajebatero antabaerentsi anijantero amakotyaro okantakobentaji anintaro opoñara antabaerentsi opaemati okoñati okiro amenakotiro.

Iroka obapitatari saekayetatiri ipaetiri okanta okoñati aisati oñashintyaro, aisati aero ashinintantiro otime ashitari obapite atsotyero okantiri osankinatakota obakotsiro okantaeri.

Aero akobakero apiro pashine obapitepaye saekantarori oasekira inchatoshi osaekakotira ikantakantaetiri.

Okantakobentari okanti okobiri antirori aparopayeni ashitarori aisati aparopaye obakotara inchatoshi.

Kobirori yayiro inchatoshi apashitari okantiro inintakaro aminerori yamitakotiro aparoni ashitarori ibakitataero yayiro okobiri otime okantakantiri otsotyero.

Abakojetiro 52. Aminakotero maaroni ashitari aisati anteri opaemati onijaero inchamashi anintaeyaro ipaitaero

Onijantero aminakotero anintaeyaro maaroni aparopayeni anintaeyaro ipashitero, kaatsi kisanintantsi okarati anentiri okarati timatsiri otsipatari inchatoshi ashiyetarori inchatoshi otime obakota 27 ikoyatetiri otime iyotaetiro inchatoshi kenkishiriakotiro otsipataero amenakotiro ametakotiro antero antabaerentsi inchatoshi inchashi antamisato otsipataero inintakaetero ibamitsantaetiro akotiro otimantari obapite okantakobentero abarontyaro antabaerentsi onijaero oberonta okarati timatsiri ikantakantaetiri atsotyero onintakara akobiri anteri amenakotero yakakotero jebabinterori inchatoshi.

Abakojetiro 53. Kantakobentirori ipashiteiteri okantakobentari ipaeteri

Ipashitaetari iritaki kantakobentironi okameetsate ipashitaeteri obirora, inintakaetari abitsikakotero anintaeyaro amitakotero akenkishiriro obakota kenkishiriantsi aminakotero obakota osankenatakota inchatoshi aisati antamisato yobakotsiro omonkarata timatsiri okantya aero yaetiro ashitari inchatoshi, aisati pashine okantakobente ipaeteri akantakotero iroka yantaetiri akantakotero jebarikipaye inchatoshite aisati antami antamisato jebari soraro saekatiri okakini.

Abakojetiro 54. Ipaeteri inintakaeteri te okobiro

Ashitarori ipashitaeteri inchatoshi ari okantaki ipashityari otime pashine kobatsiri isaeki. Ari okantaki ipaeteri obapite arika isaekapake inintakaeya jebabintiro inchatoshi aisati antami antamisato ikobakaro anampi ashintsibentari, yonijantakotiro ora Osinfor, arika ipashitaetakaero otsotyerorika osankinatakotiri opinata okantiri amonkaratero okarati ikantaetiri amenakotiro pashine ipaeteri.





Tekera inintakaetero ipashitero ikobakari, te ikobiro inintakaro opinatya kobachari kaatsi kisanintachani, antsotyero amenakotero ari opinatari yantaetsironta, irokanaero otime oñashirinkari obakotera aisati kantakobenteripaye obakotera ibapinitete.

Abakojetiro 55. Kantakobentaeri maperotatsi antsotyero

Anintaro ashitari inchatoshi aisati antamishi antamisato yantaetiro ipashitaero inchatomashi okameetsaperotatsi ikobakaetero aparoni kantakobentaeri arika otsotyero okarati inintakaetero antiro irojati ashitarori obapite okemitara pashine ashitajarori.

Okantabaete pashine ikobaetiri kantakobentaeri otsotyero okantakotiri iroñaaka ikantakantaetiri.

Abakojetiro 56. Ipashitaeteri inchatoshi okanta itsiparitero

Okanta inintakaetaro ipashitaeteri inchatoshi okantya itsipariro antamiki otsimantari okantaeteri asaeki antamiki intarori apite obakota, ikoyayetiri aparoni aisati ikoyayetiri apite, anintakaro osaekayetira inchatoshi, kipatsikipaye ashitarori, okanta iñashitakotaro:

a) Otimantari aparopayeni anintaro okarati 5 mil kipatsiki irojati diez mil kipatsi omonkarata osantsati ikobakaetero okarati 40 osarentsi obakiratero, okantara akenkishiriakotiro osaekakoti omonkarateri.

b) Otimantari aparopayeni anintaro okarati diez mil kipatsi irojati cuarenta mil kipatsi osantsatsi ipaetero irojati 40 osarentsi obakiratero okarati akenkishiriakotero osaekakotsi amonkarateri.

Antantarori onijaero aisati otsonkatantari obira aparoni inintaro antamimashi otime okantaetari ipashitero otsonkakota yamenakotiro yotakotirori Serfor ikenkishiriakotiro jebaripaye ayetirori irotaki akakotirori okanta oshitobakoti ora Pankotsinipero Apankireta.

Ibakotiro okanti yantakotiro ipaero kantabaetantyarori okanta oñashintsityaro, okoñate, aisati okameetsate, kaatsi kobinkatatiri.

Abakojetiro 57. Ipashitero oshekete inchato shiparoni tsipariantiri

Iroka ipashitantaetarori onijaero anintaeyaro pashine timatsiri antamishi onashita irori okemita oetsoki, okashi, ojope, otyake, inchashi, abintantsiri aisati oemoshirinkantateri, pashinepayeni,

te ayiro obirara otsiteni kimashiti, ari okantake anintaeyaro ashitari inchato aisati antamisato, okemitara amenakotero opaemati onijaero inchatoshi aisati pashine paematatiri antamiki antamisato antabaerentsi obantsipashi.

Iroka ipashiateteri, ajiro ashitari inchatoshi otsiparianaka antero onintakaro aero okantashira inchashimashi inintakantarori ipashitaero aero okanti otime aminakotero ashitari inchatoshi inintakaetero amenakotero yakakoetero.

Antiro opiro inchashimashi aisati pashine opaemati otsiparianaka antero antamisato kantashibaetachari inintakaetaro inchatoshi, otsipataro antami iyotakoetiro maba. Otime iyakoetiro 40 osarentsi obakiratero akobiro 10 000 kipatsiki.

Abakojetiro 58. Ipashitaetero ashi poemate aminabaete

Irotake ipashitaeri ajebatiro antabaerentsi otsipatero akemishiribaete aminabaete antami aminapirobaete anintero osaekira akobiro anintaeyaro antamimashi aisati antamisato anintakaero ametari apatyero osaekira ametakotero okantya akimpoyero otimantyarori aninkatero kameetsa opiro aparoni kobantsi anintaeyaro maaroni saekayetatiri okakine.

Antero aparoni okantashirintya aisati te opaemati inchatomashi aisati pashinepaye antamimashi aisati antamisato timatsiri irokaki ipashitanterori ajebatiro antabaerentsi obamitantsi amitakotantsi irotake anintantyarori ashira antabaerentsi poematatiri okantaetari aerorika okantashita iroka ipashitaeteri airoma inintakaro anintabaetyaro inchatoshi okantya apimantero.

Anintantarori otimatye opinabentero okarati anintakaro otime iyakotiro 40 osarentsi osamitsi obira 10 000 kipatsi.

Obakotara okanti inintakaro aisati iyantero ipantaeterori.

Abakojetiro 59. Ipashitero abarontyaro

Irotaki ipashitero ikobakaro antiro atsipariro okantakobentantsi abarontyaro kantashibaetachari antami aisati antamisato amabintakotarori itsipariantarori okemita aminakotiro obamitantsi okemitara abakiratero inchashimashitero te onintakaetero onintaeyaro inchatoshi otsipariya.





Ipaetsiro inintakaetero osaekira inchato okemitaro antamimashi okitsoti okantaetari.

Tera ipinaetero anintaeyaro otimantari apiro amabentakotaro oninkatantari ipaeteri antero aninkatantari antsi oñatsabaetya ayiro apoyetero kantabaeshitachari inchato antamisato pinatachari okantya obakobentaine antabaerentsi opaemati onijairo inchatoshi pashine inhashimashi aisati antamisato ojobatero iroka kenkishiriantsi aminakeri akakeri.

Akobiro ipaitero otsipataro anintakari amperi.

Te okobi jaoka obiraeya okantakobentiro aminakoterori ikobakari inintakari jebari inchato aisati antamisato.

Timatsi iyakoetiro 40 osarensi ibakiratero.

Abakojetiro 60. Antami ashitaro, aritaro aisati onintakari obapitepaye saekayetatiri

Irotake obapitepaye saekayetatiri, ipashitari aisati inintakaeteri inchatoshi antamisato.

Obapitetari saekayetatiri irotake antamimashi aminakotirori anampitsite opiro onintaeyaro ashitari okantakobentaantsi inchatomashi aisati antamisato otime onintaeyaro antabaerentsi opaemati otimantari aminakotiro.

Eiro ipaetiro okantakobenteri okameetsati ashitari abiakotari antiro okantakanteri inchato.

Aparopayeni obapite ashitarori, iroñaaka ikantakantaetsiri okanteri otime inintakari obirapaka yantero okantakobentaantsi yanintaeyaro otimantayari yashityaro okitsote aisati ibankiri.

Abakojetiro 61. Añashintsityaro aisati atsotyeri maaroni aminero jebaripaye ibapite saekantarori

Ashitarori obapite saekantayetarori timatsi okarati ishintsibanteriri:

- a) Yayiro ashitari inchatō irosati antami antamisato tema irotake ipantaetariri, ikantakobentaitiro yaminero okantakota aninkamentotsi iroperori.
- b) Atsotyero ikantaetariri okantiri ikantakantaetiri, ikobakari isankenatakota aisati okanteri inintakari.
- c) Atsotyero kenkishiriansi aminakotero okantabaeta obira obapite ashitarori.
- d) Atsotyero apinatiro okantakobentaantsi anintaro ibakotsiro ikantiri.
- e) Aminero osamanite ipaetero obapite saekantarori, itsipataero kenkishiriansi otsonka yapitero, ipinabentero obirara inintakaetari otime otsotyera ikantaetiriri inintakari.

Abakojetiro 62. Okamantabakaeya asaekayerira otimatyari obapitepaye saekayetatiri

Jebaripayeni inintakaro, okarati omperini okantakobente ashitari antami abakiratero aisati aero apitaero, akobiro ikanteri Serfor okantaetatyari obirara opaero aetake okantashibaeta ashitari inchatomashi aisati antami antamisato.

Arika otime ipashitero inchatomashi, ora serfor okante ikenkishiria onintakaro okantae akobakari.

Otimantyari, jebaripaye iyantiro okarati kamantantsi:

a) Jebabintirori nija. Arika osheteji pashine aminaro osaekira nija itsompae aisati akobiro okanti yatirori amenakotero ashitari mapiporokishi, jebabinterori inchatomashi ikobiro jebabinterori nija, otime onintakaeri opiri okarati ininteri obirari opaeri ashitari mapiporokeshi obinkatirori ikantiro inintero yotakotirori obapite saekantarori ipiri okantakobentero ashitari mapiporokeshi otime ikobiro jebaripayeni.

b) Jebabintirori anibaetantsi ipashitaetari opaemati anibaetantsi. Onintakari ojobate paematatiri anibaetantsi obakotara ikantakantaetiri yakiro serfor ikenkishiriari ora Pankotsinipero Ayomparitantsi ora Ampashate okantabaetara akobakari.

c) Jebabinterori oshintsinka ashitari mapi saekantarori ashepatsa. Arika otime ashepatsa pashine aminaro nija osaekira pikobiri aisati okantiri yantirori aminakotiro ashitari mapi saekantarori





ashepatsa, jebabinterori inkashimashi aisati antami antamisato okobiro kenkishiriantsi jebaripaye arika inintakakiro ayiro pibaniki aero okobi ipaero akobiri ashinatya katsi nintakantsi ipashitero ojebatantyarori antabaeri apankite arika otsokiro okarati abakotiri yotakotirori obapite saekantarori aero opae anintantyarori ashitari ashepatsa irotake akobakoteri jebaripaye.

Jebaripaye akobakoteri akenkishiriari ikantakobentae ipaetero ashimatantyarori yakakotero ipashitaeteri ajebatakaero antayetiri asaekakote obapite saekantarori apiri jebaripaye inchatoshi aisati antami antamisato.

d) Jebabintirori oshintsinka mapiporokishi. Jebari opirori opashitantsi mapiporokishi, akotiro opashitantsi oshintsiantari akakotiro yaminantarori yayiro pinatachari otimantari ipashitaro inchatoshi okobiro paeta kobachari timatsiri aparoni okantakotiri onintakari okenkishiria akakotero serfor aisati jebabinterori ipantaetyarori obapite onikashiritatiri okantya aero otsimanta opiashitya ashitari antami kantashitachari mapiporokishi obira inchashimashi obakoteri ashitari inchatoshi aninkamentotsi.

e) Jebabinterori Pankotsinipero Ametajeiteri. Arika jebatatiri Pankotsinipero Ametajeiteri okobi antero opante antabaerentsi obira inchatoshi, okaemiri jebaripaye timatsiri inchatoshi aisati antami antamisato serfor okanta ashitaro.

f) Ashitarori Antabaitani Anampi Itsikakobentero Antamimashiki Kipatsiki Perú. Antabaitani Anampi Itsikakobentero Antamimashiki Kipatsiki Perú (Sernanp) okaemiro Serfor okenkishiria, anintakari okantakota antabaerentsi otimaje obabisaero kantashibaetachari antamisato aisati otime osaekira inchatoshi amakotari.

Abakojetiro 63. Yoekaetiri onijaero opankita inchatoshi

Opaetiro yoekaetiri onijaero opankita inchatoshi osaekira inchatomashi, shimapaye ayeroni. Iroñaaka, antami antamisato asankenatakotiro ipashitari kipatsi ashitarori timayetatsiri eiro ipatsite okobakari aminakotero obire serfor obakotiro ikantakantaetiri otsotyero ipinkatsatiro okantakobentero okobiri.

Abakojetiro 64. Yoekaetiri antami timarantatiri oberantarori

Osaekira otsonka antamishi obirantarori, otime ipaetiro jebatakantirori inchatoshi aisati antami antamisato, ipashitaro inintakaro saekantarori timatsiri obapite osaekantari antamimashi okobataero osaeki otsotyere ikantakantaetiri okarati irokaetiro otime yaminakoetero obirara inchatoshi yanintaeyaro timatsiri ipaetiri obirora okantira ibakotiro yoekaetiri yashitaro 40 osarentsi ibakirataero

obironta ipatsite aeroma kipatsi arika yaminero yanintaeyaro ipimantero ashitari opiri oninkatantari iyotiro otimantari kenkishiriantsi yaminakotero.

Osaekakotsi III

Ipantaetero obapitepaye saekantarori kipatsi poñenkari aisati katsinkaetisati asháninka

Abakojetiro 65. Aparoni ikobiro yanintaeyaro ashitari antabaeri onijantiri inchatoshi ashitari apatoyetachari

Iyotaetiro aparoni ikobiro yanintaeyaro ashitari opiri onijantero inchatoshi pashi onijaeri antamimashi antamisato ashiyetari apatoyetachari katsinkaeterisato asháninka osaekira ipatsite obapite ipaetsiriri.

Abakojetiro 66. Ipaitero anintanyarori inchatoshi kipatsiki yapotota asháninka aisati poñenkaro

Otimaje obapite saekantarori irokaetiro ajero apotoyetachari okobiro ipaetero onintaeyaro jebabintirori inchatoshi antami antamisato otsipatyaro sankinatakotachari apototantsiki kenkishiriantsi yaminakotiro okantiro sankenatakotachari aminakotirori ikobiro ikenkishiriakoetiri yaminakoetironta.

Anintanyarori ashitari inchatoshi, otsiparira aminakotirori okobakaro osaekira yakakoetiro apatotantsika maaroni. Osaekayetira ari otsonkari obira inintakaetaro otime okantaetari otsiparia antami apatota timatsiri.

Te okobiri kankakobentari anintanyarori otabaite paita antayeteri okanta añanyari antayeteri opaemati akenabaite.

Okantakotiri sankenaretsi okanti okobakari opaero kankakotantsi okenkishiriro obirora antabaetiri ashitari te okobiri kankakobentani anintanyarori.





Osaekakotsi IV

Ashitari inchatomashi aisati antami antamisato obira antami yaminaetiri anampi obirora akoyetiro

Abakojetiro 67. Amakotaro aisati aminakotero ashitari inchatoshi aisati antami antamisato obirara animero asaekantari

Amakotaro aisati aminakotero ashitari inchatoshi aisati antami antamisato osaekira amakotari Antabaitani Anampi Itsikakobentero Antamimashiki Kipatsiki Perú (Sinanpe) irotake oñashintsatori, Antabaitani Anampi Itsikakobentero Antamimashiki Kipatsiki Perú (Sernanp) okarati obakota oshintsinka.

Arika osaekira yamakoetari yaminaetiri yaminakotiro ashitari aisati antami antamisato irotake oñashitsitari anampistite tekatsi kantakotyaroni osaekakotatsi ibakotiro yaminakotero ashitari inchatomashi aisati antami antamisato osaekira timatsiri okantakotiro obakotiro anampi inchatoshi aisati antami antamisato.

Inintakari isankenatakota ikantakantaetiri otime ikakomabakaeya okantya ikobakaero ipimantero yanintaeyaro maaroni obirara antami yamineri kantashibaetachari kameetsa nintatiri anampi pashinekipaye.

Abakojetiro 68. Antayetiri inchatomashi asaekira makoetiro

Jebaripaye inchatoshi aisati antami antamisato irosati Sernanp ikamantabaka ibanikatiro antabaerentsi yamakotaro yaminero obirara yakotsiro inchatomshi amenakantiri anampitsite okantya ashitantyarori kaatsite okantashitya opiya otimera yakoetiri.

Ipantaetariri obapitepaye saekayetatsiri isaekira maaroni imonkarabaka anintakaeteri kenkishiriantsi okantakobeteri Sernanp.

Ikenkishiria yaminakotero inchatoshi aisati antami antamisato ipashitari yaminero osaekira intsimariakaeri ikobiro ikantakobentaetari otsonkia yapatyakotyari Sernanp.

Osaekakotsi V

Kantakobentantsi anintaeyaro inchatoshi pashine ashietarori

Abakojetiro 69. Ipantaetarori kantakobentantsi inchatomashi pashine ashietarori

Jebabintirori inchatomashi aisati antami antamisati opiri kantakobentantsi yanintaeyaro inchatoshi okantya ipimantero ashietarori timatsiri antami kantashibaetachari antami apitetatsiri yakakoetiro kenkishiriantsi aminakotero inchatoshi ibaemantero oñakiro apite obantsi ashi otsipanampitari ari okantake yante kenkishiriantsi yaminakotero inchatoshi okameetsaperote.

Antabaerentsi opaematsi akinabaeti yoka ashietarori te okobia kantakotantsi inchatomashi.

Obakotakanteri sankenarentsi ikantakantaetiri okantero obitsikero ikantero yaminero iroka kantakobentantsi.

Osaekakotsi VI

Akobirotobiri inchatobaninkatajachari, inhashi abintantatiri aisati inkarisatopayeni antero aisati omparaimashiki

Abakojetiro 70. Akobakairo atobiri inhashi abintantatsiri aisati inkarisato antero aisati omparaimashiki

Jebabinterori inchatomashi aisati antami antamisato onintakari ikantakobentaeteri, 5 osarentsi abakiratero apimantero inhashi abintantatsiri inkarisato antami opaematsi antamisato intakironta timatsiri obapitepaye saekantarori osaekashita.

Jebabinterori inchatoshi aisati antami antamisato timatsi okarati ipimantaetiri ora Aparope Antakantsini inchatoshi aisati antami antamisato, yaminakotiro ikenkishiriakotiro okantya yaminakotero yanintaeyaro itsipariro aparopayeni timatsiri ibapite.

Kipatsi ashitari, aparoni ikobakari yayiro timatsiri imapite pashine aisati ipaeteri.





Kipatsiki apotoyetachari asháninka aisati poñenkari, otimatye akenkishiriakoteri maaroni okarati abakotiro okantya okantakobenteri.

Aririka kantashibaetachari, otimatye aminero serfor iperi kantakobentantsi.

Abakojetiro 71. Akobakaeri yayiro kantabashitachari obaninkaterori

Jebabinterori inchatomashi aisati antami antamisato opiro okobakaeri yayitero kantakobaeshitachari obaninkaterori.

Aritake irakirorika kantabaeshitachari obaninkatsinkaro okantya CITES, ibaninkatero yotantsipanko serfor osaekakote ibitsikakoetero okameetsatakote asaekakote asankinatakotya.

OETOTARI III

Amabentakotyaro onijantero inchatoshi aisati pashine antami antamisato opashinite okantsinkaetete

Abakojetiro 72. Oyotakotero anampitsite aisati anteri okametsatsi

Anampitsite oyotiro kameetsatatsini aisati okobi amakotyaro aisati aminakotero aisati ametakotero onijaeri inchatoshi aisati pashine opaemati antami antamisato okantya apiyatyo kaari kameetsatatsini opashinite okatsinkaetetsi.

Irotake antantarori kenkishiriantsi ojobate antero amabentya iyotantsi abakotero ashitari otsimimote antatyorori.

Omonkaro, Serfor, okamantabaka jebaripaye aminakoterori aisati ibaemantiro yaminakotiro, antabaerentsi okameetsati ametakiaro okatsinkaetetsi opaemati inchatomashi pashine kantashibaetachari inchashi antamisato ayotiro opinata akakare antabaerentsi apiri apatyakoteri antabaerentsi apankibaete inchatoshi otarankayeti opaemati inchatomashi pashine kantabaeshitachari antamisato aminakotero okantabaeta apiro onijaero aminakotero ametakotero inchatoshi apinatakaeyaro antamimashite.

Abakojetiro 73. Aminakotero antamishi sharakamashi

Nampitsi asaekantari ayotiro obinkatiro opaemati inchatomashi okatsinkaete itsimashi, arika opashinete okatsinkaete timashiki okobiro amakotyaro akotajiro oniankitsi amityaro opashineti onijantiro antabaerentsi aminakotiro apankitashitero okanta ashiyakantajero antami inchatomashi okanteri ikantakantaeteri.

Abakojetiro 74. Aminakotero antamimashi pirari

Asaekantari oyotiro opashinete katsinkaeteri aisati oshintsiti antamishi periari, okobakaro, mabapaye imonkaraero ajebarete, ijebatero osankinatakota onijaero obakiratero inchatomashite onintaeyaro ametakotero apapirotero opaemati akotero okobenkti arika opashinete okatsinkatsiti.

OETOTARI IV

Antamishi kipatsikipaye apototachari asháninka

Abakojetiro 75. Antamishi nampitsipaye asháninka

Irotake antami añiri otsapikita kipatsi antami okoñati apatotachari asháninka, okantabitya jaokarika opaetya ojabatiro antami okoñati animotakeri obakota 89 okantakantiri iroka Bakotantsi Okantakantsi Anampitsite Perú.

Anintantarori apotoyetachari ashitari inchatoshi aisati antami antamisato okobatya kantakotantsi ipaeri jebari inchatoshi aisati antami antamisato, tema antabaerentsi ikantiro obakota 81 inintakaro yayiro ashitari inchatoshi antami antamisato yayire yashitari yanantyarí.

Aminakotero inchato antami apotoyetachari antiri apotoyetachari asháninka antiro ikobakaro okantiri yarityari ikenkishiro aminero akobiro akakotero serfor amitero pinatachari yametari tasorentsi ininteri yarityaro okanti yametari antamimashi okemitara yaminero antabaerentsi ashi apototachari yashi yashiperori.





Abakojetiro 76. Okantabaeta okanti kipatsikipaye inchatomashi aisati yamakotaro apototachari asháninka

Okanakiro ashitaro onampitsite oyotiro okantakobentaantsi maperotachari kaari tsonkatachari aero opiri pashine apototachari asháninka okemitara kipatsi apotoyetachari ari pankirentsi okantya amakotyaro ametayetari onijaero añantari.

Ayotakotiro, isaekantari, anintaeyaro, ayiro, onake, aisati anteroni kipatsipayeni okitsoti inchatoshi aisati aminerori ashitari inchatomashi aisati antami antamisato ipaetirori oenejantiro timatsiri.

Jebabinterori otyanki anintaeyaro obira kipatsipaye inchatomashi okiri ipashitaro onake otsipataero kipatsi obiri okantya okitsote inchatomashi abiro aminakotero onintero akotiro ashitari kipatsi pankirentsimashi.

Abakojetiro 77. Shintsitakaerori abiri

Oshintsibentae anampitsite maaroni saekayetatiri asháninka okarati apatotachari ichankaetiri ari okarati:

- a) Antero ashintsitakaero abiri ojobate amitakotero aminero maaroni antami okantya akotero pashine amakotyaro akantabaetara anintaro okimote aminakotero ashitari inchatoshi antami aisati antamisato poñetyariri otime opintya akobiri arityari.
- b) Antero aminakotero inchatoshi akaraeyeni okabakaro ashitari anampi, yamitakote yotakotirori, ibamitae ashikiro onintakari opiro amitakotantsi inchatoshi otimantyariri jaokarika ipimantaetero pashine nampitsi.
- c) Opiro amitakotantsi apototachari asháninka aisati poñenkari roaminakotero yaminero yamikotaro antami antamisato.
- d) Antero ashintsitakaero abiri pimantantsi pashinesato.
- e) Akobakaeri antero kenkishiriantsi amitakotero inchatoshi antami antamisato.

Ajebatero antarote aineri otime akoyakotero opakotara.

Abakojetiro 78. Apinkatsate yotantsipaye ametayetari

Iroka serfor aisati jebabintirori inchatoshi aisati antami antamisato oyotiro antamishi yashi asháninkapayeni apinkatsatiro iyotani yametari yantaetarori aminakotirori inchato antami antamisato.

Iroka yotanimentotsi otsipataero, aminakotero oyotakotero okanta okameetsati aminerori yaminero inchatoshi apototantsi.

Jebabinterori inchatomashi onijantiro okameetsatakote yotamentotsi yamitaetari okantakota ashitari inchatoshi antami antamisato.

Abakojetiro 79. Obamitsantero osaekira kipatsikipaye apototachari okarati yotakotirori yantiro yamitaetari

Nampitsi asháninkapaye otsonka, kenkishiriakotiro apatotantsiki obamitantirori aminakotiro kipatsi apototantsi okantabaetara yametari okantabaeta isaekayeni.

Yaninatanyarori inchatoshi, yapotoyetara otime ininteri obamitsantero obira otime okantaetari inchato antami asháninka timatsiri.

Abakojetiro 80. Timarantatiri saekabintirori

Irotake antabaerentsi onintaeyari ametakotero amakotyaro ashitari antabaeri onijaero inchatoshi pashine saekatiri antamimashiki antero apotoyetiro maaroni yapatota ikobiro okantya yametakotantiro otsonkia okameetsate apototantsi ikenkishiriakotanakiro iyotaniriperori okantabaeta itsopataero iyoteri yamitaetari.

Abakojetiro 81. Ayiro ashitari inchatoshi antami antamisato okanta yamitajae ayari añantyarori

Irotaki yanintantarori oshitari obaninkota antami antamisato okobatya yañantyarori aparoni asháninka saekantarori asháninkapaye.

Te okobia otime obapite inchatoshi antami antamisato kenkishiriantsi aminakotero taani okantiri apatotantsi atsotero.





Sankenarentsi ajebatiro ikantakantaetiri arityaro anintaeyaro ojatakote inchatote opimantya.

Abakojetiro 82. Yaminero pimantantsi ashitari inchato kipatsi apatotachari asháninka

Okobakaro apatotantsi otime anintaeyaro apimantero ashitari inchato kipatsi okantabaetara isaeki ijebatsi ikobakaeri pashinipaye.

Anintaeyaro pimantantsi antami nampitsi apototatyari iyanine, antaroete aetake aisati yakakoetakiro kenkishiriakiro aminero isankinatakota aisati apinatero okantakobentaantsi inintaeyaro. Okanta yakakoetakiro aminakotero jaoka obira antami inintakaetakaro ari akontaetatyari yakakojetiro apototantsiki okantara inintakaro ashintsibentero aminakotantsi arika oshekite inintapirotyaro okantara obakota akenkishiriakeri iroñaaka okantakantiri.

Abakojetiro 83. Opoki asaekantari apototachari antirori pashine akakotirori aparoni timatsiri

Akobakotirori apatotachari, anampi jebabintirori inchatoshi aisati antami antamisato, opoki yapatotara yantero pimantantsi antiro pashine, ari okarati:

- a) Okantaetatyeyani okoñatakote yaminakoetero ikobakari antirori.
- b) Yaminakotero antirori pisankinatakota ari yakaetakiro apatotantsiki.

Apatotachari okobirika, jebabintirori inchatoshi aisati antami antamisato otsipatari obapite pisankinatakota anterori Serfor aisati ashitarori apatotantsi asháninka.

Mabatatsiripaye inintarori inchatomashi kipatsiki apototachari irika aminerori aparopayeni apoyetachari otime itsotyero okantakantiri inchatomashi aisati antami antamisato.

Abakojetiro 84. Chankaetero timatsiri inchatoshi yaetabakiro yaminero kipatsi yashi asháninka

Timatsiri inchatoshi yaetakiro yaminakotero jaoka opoña antamishi oepatsiteki apotoyetachari poñenkari aisati asháninka pashinetachari inchatomashi ikoshitatsiro irotake yantaetarori kipatsiki

yamenantarori jebaripaye ikenkishiriakotiro apoyetachari kantakobinterori ojobate kameetsa antabaerentsi maaroni ashityaro apotoyetachari (ibamitsantero, ibamitantaetiri añantari aminero kobityachari okobinkatsi arika onkia nijateni) te okobia apimantero inchato.

Jebatatiri nampitsi, itsipatyari apotoyetachari inijantero okarati yantiri jebabintirori inchatoshi aisati antami antamisato.

Okenkishiriakotara okantero ipaetiro yantantaetyarori imperi yaerikakoetakiri inchato.

ATSIPARIRO MABATANI

AMINAKOTERO ANTAMI ANTAMISATO

OETOTARI I

Okantabaeta asaekakotsi

Abakojetiro 85. Abarontari aminakotero antami antamisato

Aminakotero antami antamisato ayero iyotaetiro opinata ashi añantari oenijaero amitakotero kameetsa timatsi kipoyakotirori okameetsate okisotsi apatyero inijantero inintaeyaro amitakotero antami antamisato okantakira akenkishiriakotero.

Irotake Serfor otime monkaramentotsi aminakotiro antami antamisato omonkarataero kaatsi obatsinaerori pashinesato.

Maaroni obitsikirori ipoyebintiro antami antamisato okakotsiro serfor onintakaro monkaratantsi okimpoyakotsiro kantashibaetachari kaatsi okantashibaeshitya osaekantari antamiki.





Abarontari 86. Akenkishiriro aminakotero antero antami antamisato

Jebabinterori inchatomashi aisati antami antamisato yakiro kenkishiriansi aminakotero okantya amabentakotyaro okarati ipankitakeri antami akimpoyakotiro anintaeyaro amitakotero kantashitachari shokayetatiri akoyayetiro otimantayri okitsote amanate apimantero aminakotero akenkishiriakotyaro saekantarori yanintajiaro isaekira piratsi ari okantsimaeta abakotero amabaete apimantero amantya añatsatya kantabashiyetachari anintaeyaro maaroni kaari pashine.

Maaroni anintari antami antamisato okantya ayari apotoyetachari yaminero yantero yakokatiro yaminero jebabinterori inchatomashi aisati antami antamisato ipaetiro iyotero ibakotero imanabatantsi okantira ibakotiro okobatya akibantero otimantari ari okantiri ibakoteri.

Te ikobakaetero anintaeyaro ashitari inchato aisati antami antamisato aerorika inintakaetiro arika otime apatoyetachari poñenkaro aisati asháninka pashine saekatiri okobiri amitayetari obaritentsi otime obakotya.

Apatotantsitatiri akakotiro obiro okantya amanabaete okanta atantyarori aminero iyotakoetero maaroni jebaripaye.

Abakojetiro 87. Apinatero okantakobentantsi anintaro antami antamisato

Anintantyarori ashitari antami antamisato, otime apinatero anampitsite okantakobentai anintaro aririka okantashityaro obatiri ikantakantaeteri jaokarika ikaratsi yapototaetakiri irotaki aminerori ojebatantyarori iroka kemisanssi Ñaantsi. Iroka pinatantsi ikoyetajiro aparoni ichankiro amineronsi, aisati okameetsatake ashitari antami antamisato.

Aparopayeni timatsi inintakaro iroka otime okantakobentero anintaeyaro okarati timatsiri ashitari opaeri oshiyabintero opinata okanta obakota kenkishiriansi isankenatakotachari.

Apinatero okantakobentero anintaro antami antamisato otime okarati obakota:

- a) Ipashitere obirora aminero antami antamisato osantatsi.
- b) Ipaeteri inintakaro otime atobiro opinatari kantashibaetachari.
- c) Ipantaeterori amanabaete kantashibaetachari okarati ibatsa okarati ibakotiro amanabaete.

Apotoyetachari poñenkari aisati asháninka aisati pashinepayeni nampitsi, antami antamisato ametari abari iritake ayiri otime apinabentero anintantarori.

OETOTARI II

Aminakotero antami antamisato

Abakojetiro 88. Ayotakotero aminero antami antamisato

Ayotero aminero iroka antami antamisato antabaerentsi okantabaeta, yaminero akenkishiraikotyaro anintaeyaro apitajero otimantajiari yamakotyaro antami antamisato amitekoteri timatyari amakotyaro ashitari antami.

Aminakotero antami antamisato opiro anintaeyaro oesotero akantakoteri ikobakaro inintiro ikantakobentero aparopayeni.

OETOTARI III

Obira aminakotero antamishi antamisato

Abakojetiro 89. Obira aminakotero antamishi antamisato

Iroka timatsiri antamiki yantaetiro anintaeyaro ametakotero obira kantabashitachari antami antamisato irotake akenkishiriari amenakotero.

Anampitsite oyotiro opaero antabaerentsi onijantiro antami antamisato saekatiri yaminakotiro maaroni onijantiro arika akobira abashiyetari obira aminakotsiro antami isaekayeti piratsi imaerenta okanta ishokitaje arika iroka anintakaero ashi okobintsatanchari ari amatakiro tsiyeri osheto irotaki obañakaerori antami anampitsite obira Inchatoshi Amabentakotaro (Sinanpe) oejatiro ikantakantaetiri pinatachari.





Abakojetiro 90. Obira aminakotero antami antamisato kipatsi ashi atirini maaroni

Kipatsi ashitari maaroni atirini, jebariPAYeni inchatoshi aisati antami antamisato opiro kankobintsirori aminakotero antami antamisato inintakaro anintaeyaro amitakotero saekayetatiri kantabaetachari inintakaetaro itsiparitiro obirara initakaetaro onimotakae akobayetiri kantabaetatyari irosati 25 osarentsi abakitatero onimotakae inintakari obakotara inintakantaeteri.

Abakojetiro 91. Obira aminero antami antamisato osaekira ashiyatarori apototachari asháninka poneyetachari

Obirayetara apatotachari asháninka poñachari kipatsi obakotachari saekantiri inintakaetakari okemita ashiyatarori okobakotero ashitarori jebabinterori inchatoshi aisati antami antamisato okobakaro opiro onintakari aminero antami antamisato irorika apatotachari ikobiri aetaki yakaetakeri apatotantsiki akenkishiro okantakanteri atsotyero yamitayetari.

OETOTARI IV

Antami antamisato omarenta

Abakojetiro 92. Oniankitsi irintsika omaranta antami antamisato

Oniankitsi irintsita omarenta antami antamisato ibakoyetiri ashenintsi onatsi irashi iritsitanyarori obañakaerori antami tekatsi pashine amineroni yamakotyaro okantya osaeki kameetsaperori piratsi okantya ishikitaje ibaemantakoeterita yaminakoeteri obamitantsi amineri akotaeri akobakajero opimanteri antakerorika ikobakaro jebabinterori inchatoshi aisati antami antamisato oshekite irintsipaye kantabaeshitachari ikobakaeteri, inintakaro irirori Serfor.

Abakojetiro 93. Ibakoyeta ishekitanchari

Iñantaetariri amineri antami antamisato ipiranaeteri ibakoyeta ishekitantayetari okobi ipaetero ikantiri jebabintirori inchatoshi aisati antami antamisato, ari itimiri kantabaeshitachari opaetero aparoni Serfor.

Iroka yamenakaetero ipaetiro ishekitanchari irintsitepaye aisati yaminakoeteri.

Iñantaeteri inintakaetari aparoni ipaetiro te otimatye ipaetero okanta imarantaetero opoña tera yantero kameetsa jaokarika opoñantari jiroka.

Ayerorika yakoetiri ipaeriteri kantabaeshitachari antami antamisato itsipataero iroka CITES inintakaetero irokaetiro, akenkishiriri okantya yamitakoeta jebaripaye koñayetateri CITES.

Abakojetiro 94. Iperataechari

Iperataecharipaye otimatye yaminaetero iroka osaekintara otime antami antamisato okantya apimantatyari aisati otimantyariri ashitari aisati antabaerentsi, otime iroperote isaekantyariri piratsi otimantyariri irintsite, oshekite aisati iyantabaerentsi apire osheki antami antamisato amabentakotyari.

Iroka isakantarika aero apiro otime irintsite kantashibaetachari.

Inintakaeri jebabintirori inchatoshi aisati antami antamisato.

Irintsitepaye aisati timantsiri inchatomashiki inintakari okarati yashicharo saekantarori intarori.

Abakojetiro 95. Ipirataetari

Ipirataetari irotake timantsiri yaminakotero te osaekintara antami antamisato okametsate ibitsikashiteri isaekantyariri iroenijantantyariri antami antamisato oniankite yaminero okantya ibamiteri ibaemantakotero ikantabaeta ishiketantari amakotyari aminakotero inintakari jebabinterori inchatoshi aisati antami antamisato osaekakotsi itsochetiro ikantakantaetiri kemisantsi Ñaantsi.

Ipirataetari aetake oninte ipaetero oyomparitya pashine ipirataetari nampitsiki pashinekipaye otime ibakotya isankenataki inampitsiteki.





Arika ipimantere pashine okantashita, ayomparitya kobayetirori iroka pinkatsaripanko ikemitari, ipiratyari otime inintakaeteri timarantatsiri okemita ipiratyari.

Abakojetiro 96. Oniyankite amakotantsi antami antamisato

Oniyankite yamakotaetari antami antamisato irotake ibakokoyetiri, ashiyetarori ashitari, okantya yamineri yashitakoetiri kantabaeshiyetachari saekantarori antami antamisato yasariari okantya yakoteri yaminaeri, yamakotaetari, ikiantsiperori, ishekipirotantajeari, ibakoyeteripaye inintakaro Serfor, okantara ibakotiro ikantakantaetiri kemisanssi Ñaantsi.

Intantarori, yaminero, ishekitakajeri ibakoteri kantabashiyetachari poñachari oniankimashite obatya aminerori yakakotero Serfor.

Yaminakotiri te ojobate okantakobentero yashitantyarori iyancharori.

Abakojetiro 97. Oniyankite yakoteri antami antamisato

Oniyankite yakoteri irotake ibakotiri yaminero okantabaeta antami antamisato poñayetachari yaerikakoetiri imanakashitari okantya okamitsate yani aminakoteri isaeki kameetsaperori isaekakotaje yaminakoeteri ipiraetarinta ishikitantajiri.

Jebabintirori inchatoshi antami antamisato otime oniankitsi yakoteri okantara inintiri obironta yaminakotiri okantakobenteroni patikatsi aisati pashinepaye inintakaetari yayeri kantashibaeyetachari CITES oniankitsi yakoeteri otime iyotero inintakaerori Serfor.

Abakojetiro 98. Inijantaetiro antami antamisato

Iroka inijantaetiro kantabaeshiyetachari antami antamisato opoña iroperori isaekantari okantya iñabintakoeteri ikantabaeta obamitantsi okoba ikantakobentaeteri jebabintirori inchato aisati antami antamisato.

Yantaetiro isaekira iyoetiro okantabaeta isaekantari kameetsa yaminakoetiri yashitakotera ikantabaeyetera inintakari Serfor.

Kantashibaetayetachari ikobakotantsipaye, jebari opiri Serfor.

Abakojetiro 99. Osaekantari antami antamisato atirini saekayetantarori

Saekantarori atirini saekitachari onintakaro kantabaeyeshitachari antami antamisato okantiro isankenatakota. Aparoni okantya obakotero piratayetarori obirari aminakoterori inintakaro otimatye ipotsotero ibakotero jebabinterori inchatoshi aisati antami antamisato ninterori kobaperoterori okameetsatantyarini inintakaetiri.

OETOTARI V

Okantabaeta abintantsi aisati aminerori

Abakojetiro 100. Okantabaeta abintantsi

Jebabinterori inchatoshi aisati antami antamisato okantiro antiro kantabaetachari abintantsi, otsipataero ayerori kemitakari antami antamisato bintantsi maperotachari okantya kaatsi anteroni kameetsatachari kantabaeshiyetachari antami antamisato ari okantake otime okantatachani shirampari antabaerentsi pirabaerentsi inintakaero antami antamisato.

Jebabintirori inchatoshi aisati antami antamisato akaemiro antero antabaerentsi iroka Antabaitani Anampiki Tekatsitakotaji Tsameriantsini (Senasa) aisati jebaripaye aminerori ora Pankotsinipero Abintaitsini arika antero abintantsi.

Abakojetiro 101. Aineri tsimeri aerikiri aminakoteri yoñanchari

Jebabintirori inchatoshi aisati antami antamisato inintakari aineri tsimeri aerikiri aminakoteri yoñantari, aparoni opoke ipiraetari inintakaetari yamakoperotari yaminerini okameetsate.





OETOTARI VI

Iyobintsane

Abakojetiro 102. Iyobintsane isaekanchari

Iroka iyobintsane isaekanchari irotake iñantyaroro iroperori isaekanchari timitsipako ibaeyani inintakaetero aparoni saekantarori apatotantsi poñenkaro aisati asháninka irika saekatiri nampitsiki otime yantero ikobakaeri jebabintirori inchatoshi aisati antami antamisato.

Jebabinterori apatotantsi, okanta ikenkishiriakiro yaminero yanintaeyari kantashibaetayetchari antamisato isaekantaro kipatsi yanintaro saekayetatiri yapatoyeta yamakotaro antami antamisato iñarantaro ikantakota kantabaeshitachari irotake ibaeteri pankotsiki okantya iyari yaminero omonkarata irotake aparoni yaminakaetiri iyotakotiro jebabintirori inchatoshi aisati antami antamisato.

Abakojetiro 103. Iyobintsane yayerikaetiri okantya ipimantaeteri

Iyobintsane yayerikayetiri okantya ipimantaeteri irotake yantaetiri inintakaetari otime anintaeyaro otimatye otime ibapite inintakaetari pinabentayetirori okarati ikobaetiri.

Aparopaye jebabintirori inchatoshi aisati antami antamisato yantiro yakakoeteri osaekakoyetira iyobintsane pimantantsi okanta kantabaeshiyetachari itsipariri okarati ipinatari ipimantaetiri.

Iroka yaminakoetiri inijantiro kenkishiriakotaro ishekitaje kantashibaetayetchari okobakari Serfor jebabintiroripaye inchatoshi aisati antami antamisato inintakarai pashine, saekayetatiri kantabashitachari opaemate yakakoteri saekamampayetariri irokatiro omonkarata pankotsi oshekitantari inintakaro yayeteri.

Ipimantaetiri batatsi kantabaeshitachari antami antamisato aparoni okanta ipokirika irintsitya osaekira aminakoteri obirari yaminero jebabintirori inchatoshi aisati antami antamisato otime kantabaeshiyetachari otimera ipimantaetere omonkarata aparoni manabaerentsi pimantaetiri obakotya apatotantsiki maaroni.

Abakojetiro 104. Iyobintsane ñatsamentotsi

Iyobintsane ñatsamentotsi iritake manabaerentsi iñantaro aparoni kaatsi ikobakaero otimera ibapite kantakobentiriri ipaetiri jebabintirori inchatoshi aisati antami antamisato okantabaetara inintakaro ibakotiro inintakarora.

Kantakobenteriri timatsi obira anampike jebabinterori asaekantari.

Jebabinterori inchatoshi aisati antami antamisato yantiro yakero obakoyetara iyobintsane ñatsamentotsi onintakaro aminakoterori inchatoshi aisati antami antamisato antami antamisato obirara imonkarataetiro anintakaro kantabaeshiyetachari atsipariro osheki aminero omonkarata pankotsi yantaetariri maaroni yakakoetiri.

Okantakotiri okanti antero iyobintsane ñatsamentotsi antabaerentsi timimotantsi ipaetiri antero otsonkata okantakobenteriri anintaeyaroyani atsipatyari otsimimote.

Abakojetiro 105. Pirataantsi

Ibanko iyobintsane piratsipaye antamisato oniankitsi inampi isaekira tsimeri yametari shirampari iñatsatakaeyari inintakaro yantiro tsimeri otime ishekite irintsitetya okantya irakoetere inintakaro Serfor.

Aetake inintakaro opotsotakota iyobintsane ñatsamentotsi okantabaeta antero otsimimote kantakobentari ipaero shiyakotariri jebari aparoni tsimeri inintakaro jebabinterori inchatoshi aisati antami antamisato arika yaetari oniankitsi antamishi yashitaro Serfor opiro kantakobentantsi.

OETOTARI VII

Aminakotero antami antamisato

Abakojetiro 106. Okobero asaekantari aminakotero antami antamisato

Asaekantari onintakaro, obiro aminero aminakotero amitakotero antami antamisato okantabaeshitya obakotara ikantakantaetiri irotake inintakarori ipaetero ipinatantaetyarori.





Onintakaro apatyero maaroni aminakotero amakotyaro anintaeyaro antami antamisato.

Okantakotiro kenkishiriantsi aminakotero antami antamisato opaemati onijaero opiri saekayetatsiri inintiro ibakiratero isaekira.

Abakojetiro 107. Osankinatakota opaemati onijaero karaenkaro

Iroka Serfor, okamabakaere jebabintsirori inchatsohi aisati antami antamisato okobakakaro obakota onijaero karaenkaro aritaro ikantakantaetiri kemisantsi Ñaantsi 28611, kemisantsi Ñaantsi ikantakantaetiri ojobate aninkatantari ikanti yotakoyetitori ibaemantiro obaronta iñashintsitaro iroka ibakota abakiratero 5 osarentsise, aerorika aritake ajiro Serfor timatsi onintakari ajiro ashitari intatomashi aisati antami antamisato iroka onijantirori.

Abakojetiro 108. Akenkishiriari anampitsite aminero anintaeyaro amitakotero kantashibaeyetachari

Iroka Serfor anteroni okenkishiria aminero aisati anintaeyaro amitakotero kantabaeshiyetachari antami antamisato tema ipinatatya irotake asariariri ikobiri imonkaraero iroperori amakotantsi okanta ojate opiro kameetsatitiri aero okantashita amaeya añantyariri.

Kantashibaeyetatyariri otime isaeki te oshekite otime yakakotero kenkishiriantsi inintakaro yamakotyari imonkaraeyero.

ATSIPARIRO APITETANI OPAEMATI INCHATOMASHI

OETOTARI I

Okantabaeta abotsi okobakari onijantiri inchatoshi aisati pashine opaemati antamimashi antamisato

Abakojetiro 109. Okobakari opaemati inchatoshi aisati pashine onijantiri antamishi antamisato

Ipaetiri opoñantari anintaeyaro pinatantsi okobakari onijantiri inchatoshi aisati pashine onijaero antamimashi antamisato irotake otimantari obakota ipayetiri.

Ashitaroripaye ibani aisati apototachari poñenkari aisati asháninka kaari timatsiri obapite obakotara anintaeyaro abotsi yanintaeyaro ipaetiri kantakotantsi yakaetero jebabinterori inchato aisati antami antamisato.

Abotsi yanintaeyaro ipaetiriri onijantiri opaemati opoñantari pankirentsimashi inchatoshi ashiyetarori apototachari antami antamisato.

Abakojetiro 110. Iyoteta yanintaeyaro timatsiri okobakari onijanteri opaemati inchatoshi aisati pashine onijantayetiri opaematsipaye antami antamisato

Maaroni yantaetiri anintaeyaro okobakari ipinatantsi onijantero opaematsi inchatoshi pashine onijanteri antamishi antamisato okamantiri jebabinterori anikatantari aminakotayetirori.





ATSIPARIRO APINTATATSINI IPANKITSIRO INCHATOSHI AISATI ONIJAERO PANKIRENTSIMASHI

OETOTARI I

Amikoterori pankirentsimashi inchatoshi

Abakojetiro 111. Onijanterori pankirentsipaye inchatoshipaye

Asaekantarori nampitsi onijantero pankiterori kantabaeshiyetachari inchatoshi kipatsipaye kaari pisakoteroni antamishi aritaki opaero otimantiyari inchatoto otime kaari pinatachari obamitsantero antero antami akotajiro otarankera okamitsataje otankaetya akotaero onijantero amitakotero abamitsantero otsinaje antami antamisato anitakajiari yamitaeyaro poñachari oshintsinka ashiyaro inchatoshi pashinepaye.

Asaekantari nampitsi okobakaro antero amitsaenkiro aminakotero pankirentsi inchatoshi otime aminakotero akotero onijantero inchatoshi sharakamashi parenisato okobakaro kantabaeshiyetachari asháninka pashinepaye.

Abakojetiro 112. Kantakobenterori ora pankitansi kipatsikipaye osabini aminero asaekantarori nampitsi

Jebaripaye inchatomashi aisati antami antamisato opiro onintakaerori opankitero inchatoto kipatsi ashitaro asaekantari tekira iyotero yaminakotero antamishi akenkishiriakotero osaekayetira inchatoto yantaetiro okoñate oñashintsityaro osamanite 50 osarentsi abakiratero.

Iroka kantakobenterori otime apinabentero okantakobenteni anintaeyaro obirara otimaje oaseki onijantero.

Abakojetiro 113. Pankitantsi kipatsikipaye ashitayetarori apatotantsi

Ipankitiri inchatoshi kipatsikipaye ashinintsi apatotatyari te okobi kankakobentantsi aero pinkatsari.

Oetsokipaye, timaetsiri ora itimantari, iritake inchatoshi pashine, ashiyetarori pankirentsi te okobia apinabentero anintaeyaro te okobi aminakotero.

Iroka pankitantsipaye abakotiro aenijantero akamantero obira kantashiyetachari inchatoshi onijantero okankakobentai osaekira pankirentsi.

Ibakoetiro sankinarentsi yantaetiro (osaekakote anampiki pankirentsi) iroka Antaro Sankenare Pankitentsini, aminero Serfor ojobate aparopayeni aminakotirori inchatoshi aisati antami antamisato yantakoetiro ipashitero okantakotanta.

Kipatsikipaye osaekira inchatoshi aisati yamakotaro, ashiyetarori ashinintsi apatotachari poñenkaro aisati asháninka te inintakaetero ipankite inchatoshi.

Abakojetiro 114 Osaekakotsi onijantiro okanta pankitantsi

Iroka Serfor ojobatiro asaekakotsi okanta pankitantsi asankinatakota ashitayetaroripaye.

OETOTARI II

Anibetya pankitantsiripaye

Abakojetiro 115 Pankirentsiripaye otsimanake inchatoshi aisati pashine oetsoki inchatoshi

Ipankitantarori oetsoki otime ibayetiro osabiki irotake antabaerentsi ayetero akenkishiriakotyaro aminakotero inchatoshi timatsiri okitsote inchatoshi atsipataero antami antamisato ipaeteriri okantabaeta ari otsimanake antero amakotyaro ñatsabaerontsi aminakoyetero okanakirichani ikoyero.





Abakojetiro 116. Pankitantsipaye yamakoetari

Pankirentsipaye yamakoetari aminero yamakoetari osabiki kipatsi otarankira amakotyaro okinira nija amakotyaro kantashibaetachari ashitarori anampi ari okantake apankite pashinesato kantabaeshitachari osaekira inintakaetaro akoyayetero oetsoki kantashibaetachari inchato aminakotero antami antamisato.

Abakojetiro 117. Pankitantsipaye akotajero obakiratero

Pankirentsipaye yakotaetajeri obakiratero aminaero onijaero antero opaemati kantashibayetachari saekayetatiri nampitsi.

Inintakaetaro akoyetero oetsoki aisati pashine kantabaeshitachari inchato aminakotero antami antamisato.

Abakojetiro 118. Anintakaro aminakotirori aisati amineroni aninkatantsi

Iroka Serfor otsonkiro onintakari aminakotiro otimaje, aminakotero aisati anintaeyaro pankirentsi inchatoshi oepatsite osaekantari.

Osaekantajiari pankirentsipaye inchatoshi oepatsite atirini, apatotantsi pashine ashiyetarori, okobake akakotero aminero okantabaeta ashitaro okanteri obakota, ikantakantaetiri okantakota osaekakoti anampitsite aminero okantabaeta amitaantsi.

OETOTARI III

Okobakari inchatomashi

Abakojetiro 119. Ikobaetiri aisati anintakaeyaro aminakotero okobakari inchatomashi

Aminakoterori okobakari inchatomashi oepatsitepaye inchatoshi amakotyari abashiñero okantya apiro akotajero ipaetiro ashitari antabaerentsi onijaero osaeki aminero okantya ojobate inchatomashi obira inintakaetaro inchatoshi.

Osankinatakotya ikobakiri itsipariro ikobiri ashitarori intochero ikobakari antero apinkatsatero antami saekanaetiri ibabisaero kantashiyetachari inchato otimatyari ayero añashintsityaro amakotyaro osabi okenira nija.

ATSIPARIRO OEJATIRORI

AMINAKOTERO OETSOKI INCHATOSHI AISATI ANTAMI AMINAKOTERORI ANTAMISHI

OETOTARI I

**Anakirori, obamitsantero, apimantero aisati achankiro ashitari inchatoshi
aisati antami antamisato**

Abakojetiro 120. Anintakaero oniankite obamitsantero

Iroka Serfor, ikenkishiriari jebatirori Pankotsinipero Bitsikanteri, otime inintakaro ikaemabakaeya yaminabaero okantya yamabintyaro ashitari inchato jaokarika yayiro irosati ipimantaetiro ityankatsironta.

Jebabinterori inchato aisati antami antamisato opiri onintakari otimimoteri jaokarika ibamitsantaetero yamiro yantantaetarori.

Iroka Pankotsinipero Bitsikanteri timatsiri otime osaekantari osankinatakota osaekira ibamitsantaetirora oejatirori.

Jebaripaye asaekira nampitsi, opiri kankobentaantsi otimantari yantaetiro oñashirinkiro ibamitsantaeteri kameetsa inintakaro jebaripaye inchatoshi.





Kamitantayetirori kobirori ibamitsantaetero inchato ityankiro iyotantyarori yantaetiri inchatomashite osaekakotsi ikantakantaetiri kemisantsi Ñaantsi.

Abakojetiro 121. Anakirori, ibamitsantero aisati pimantantsiri oetsokitari inchatoshi aisati antami antamisato

Aparoni okanta anakirori, ibamitsantirori aisati pimantantsi oetsokitari inchatoshi aisati antami antamisato pashinitatsiri atirini, saekatiri poñenkaro aritachari, kobatiri yanintaeyaro okanti ibakotiro ikantakantaetiri tsotyabaerentsi isankinatakota paperi yaminakotiro inchatoshi aisati antami antamisato aritaki yakakoetero ipaetero atyankiro kankakobentero jaokarika opoñantari onintakaro obakotiro iroñaaka ikantakantaetiri kemisantsi Ñaantsi.

Arika ayiro asaekantari aminero iroperotatsiri okameetsate opoñantari inchato aisati antami antamisato okantara akenkishiriakotiro ikantakantaetiri obiro otsotyabaete.

Iroka Serfor, okanatabaete ojobati aminakotiro CITES jebabintirori inchatoshi aisati antami antamisato irotake inintakaetari aminero inchashi obamitsantero jaokarika apiotero inchato inchashimashi antamisato okanta iñetero okarati timatsiri kitaeteriki obakotya aritatyari shitobatsiri kantashibaetachari okante obakota.

Ashiyetarori aminorerinti pankiterentsipaye okametsatantari oetsokite inchato aisatita antami antamisato iritake aminakoteroni jaoka opoñantari ibamitsantaetiri opimantya batsati antamisato kantabaeshitachari antamisato te ikobakaetero ipirataetyari obira yaminero inintakaetari.

Iroka abakojetiro te okobia oetsokite inchatoshi aisati antami antamisato poñanchari antabaerentsi obari okanta añakaeriri irotake inintakari jebatatsiri apatotaantsi nampitsi.

Abakojetiro 122. Ichankaetsiro oetsokite inchatoshi aisati antami antamisato

Ichankaetiri oetsokitepaye inchatoshi aisati antami antamisato irotake pimantantsi inintakaro ashitari Serfor obitsikiro okameetsate iroka yantaetiri.

Okantabaeta obaninkotate akobakaetero achankiro opimantantyarori inchato itotaetiro pankirentsishashi inchatoshipaye.

Kantabaeshitachari obanenkota aeroni inchato aisati antami antamisato ari okanta ichankaetero arika opoñakia aminakotirori inintakaetari ipankitiro obakota oniankiti otimera inintakaro poñenkaripaye otime ibakotiro abishe ashitari otimantari.

Kantabaeshitachari antami antamisato oetsokite opoña anibaerentsi ñatsataronsi otime yashitari ichankiro imishinapayeni piratsi periari kachonkatsi okimetara ibashiñetero pashine ipiyontakaro Serfor okanta yantantaetarori otsonkata ibakotiro.

Abakojetiro 123. Te ikobakaetero achankiro

Te inintakaetero achankiro timatsiri oetsokite inchato aisati antami antamisato okantakota ikantashitakari iroñaaka ikantakantaetiri kemisantsi Ñaantsi aisati ibakotiro.

Ibakotiro iroñaaka ikantakantaetiri kemisantsi Ñaantsi, otimeri okantabaeta okaemabaka otsipari Serfor aisati Sunat.

Abakojetiro 124. Onijaerori ayirori oetsokite inchatoshi aisati antami antamisato

Onijaerori ayirori obapite kantakobentirori anitantari oetsokite inchatoshi aisati antami antamisato, irotake ashitarori intarori ibamitsantaetiro onintakaro ikenkishiriakotiro obakota arika antami antamisato aparoni okobi onijaerori ayirori inchatomashi otime ashitaro anampi.

Iroka onijaerori ayirori timatsi okanta isankinatakotyaroperori aisati onijaero ochankiri onijantsiro jebari okantakobenteri aminerori ipotsotakotiro aminakoterori ibaemantiro okanti timatsiri inchatoshi ipankitiro inchato ashineti oepatsite apatotaantsi irotake obakota ashitarori opiro onijaerori Serfor otime ibakotantaetyarori aparoni onijaerori ayerori.

Ipaetaeri abaeti amanabaete añatsatabaetya otime onijaerori ayerori kantashiyetachari yakakotsiro obakota CITES.

Ayirori obaninkatachari iroperorisano iyaetiri obira kenkishiriakotirori te okobiri onijaero ayero.

Abakojetiro 125. Opironi timatsiri oetsokite inchatomashi yarikakoetiri

Ipaetiri timatsiri oetsokite inchatomashi aisati antami antamisato yarikakoetiri obaemantiro





yoekaetanajiro timatsi aparoni obapite ipashitaero onintakaro anampi otime obakotya aero otsimashita opimantya aritake okantake opiri anintakaro okobityeni asaekantari arika onkia nijateni iritake Serfor jebabintirori inchatoshi aisati antami antamisato okanta ashitaro iritake kobakarori ibaemantirori.

Abakojetiro 126. Anintakaro opoñantari iroperorisano oetsokipaye inchatoshi aisati antami antamisato

Maaroni atirini otimatye ashintsibenteri, okobiro jebabintirori inchatoshi okantakotera opoñara kantashibaetachari obaninkaro aisati antami antamisato.

Maaroni atirini timatsiri, yaniminto aisati pimantirori kantashibaetachari obaninkaro antami antamisato opoñara aero okanti onijaero ikobiri jebaripaye yarikakotiro obaninkaro okemitara obasankitanti okantiri ikantakantaetiri obakota ashiperori oyotsini te opoñantari opashinite.

Obakota iroñaaka ikantakantaetiri kemisantsi Ñaantsi otime obapite ipaetero opoñantari iroperori okatiro intarori irotake inintakaetari oetsoki poñachari pankirentsi inchatoshi kantashibaeyetachari nampisato.

Ashitayetarori inchashi obamitsantirori oetsoki inchatoshi aisati antami antamisato okobiri obamitsantero yaminero obapitepaye yantarori yanintaeyaro arika ipaetsira nintakanti jebari yantiro iroperotatiri.

Abakojetiro 127. Omitsaenkia aminero oetsoki inchatoshi aisati antami antamisato

Iroka Serfor anteroni onintakaro okoñate aminero opoñantari iroperorisano aisati omitsankia kantabaeshitachari inchato, okobiri yaminakoetero aminero amitakotiro obakota aminapaeritiro inchato ashitaro okoñatsi yaetiri ayeroni obamitsantirori pimantaetiro.

Iroka Serfor onijantiro okantakobentiro inchatoshi obakota aminero maaroni okantabaeta otsonkata onijantero okameetsate oetsoki chankantsi.

Abakojetiro 128. Aminerori ichankaetiri, anintero aisati irichankaetiri kantabaeshiyetachari obaninkaro aisati antami antamisato otsipataro antabaero CITES

Iroka Serfor, okantabaeta jebari aminakotirori CITES, kankobentaetatiri aminerori ichankaetiri, anintero aisati achankayetiri okoñatsi oetsoki kantashaetachari obaninkaro antami antamisato te otimiri nintantsi aminakotirori ikempoyetiro.

Antero amatachari CITES kankobaeshitachari otsipatero ashitobaero anintakaero antero okaemabakae pashine jebaripaye otsipataero yantaetiri.

Abakojetiro 129. Shekitatsiri kantabaeshitachari CITES inchatomashipaye

Jebari aminakotirori CITES anteroni ojebati ibamintaetatsi iroperori aminero otsonkatyari shekitatsini kantabaeshitachari inchatomashi otsonkata anintero opashinite inijantero anintakari okarati ichankaetiri ashitobaero CITES.

Iroka aminakotirori oesotari obakoyeta anintero obakotari

Arika añiro shekitatsini ojebate otimera okamanteri jebari aminakoterori opashinetantari shitobaentiri iñanatiro ibiro inintakaro maaroni obakota Serfor.

Abakojetiro 130. Inintiro ichankaetsiri pitotsiniro (swietenia macrophylla)

Jebabintirori aminakotantsi CITES yakakotiro ichankaetiri osarentsi pitotsiniro (swietenia macrophylla) atsipataro ichankaetiri inchato itsiparitakeri ibitsikakoyetiro otime ibakoyetiro kantabaeshiyetachari CITES.

Ibakotiro ichankaetiro otime kantabaeshiyetachari inintakaero II ora CITES aisati otsonkatantari ikantayetiri inintakaeteri yayetiri aero okobakaero yantiro jebabinterori kenkishiriantsi CITES otimeri ayotero oñanatero antero onijantero antero jebabinterori ichankaetiri otsonkata inintakaetero antaro yaminakotero jebabintirori pankitaantsi aninkamento.





OETOTARI II

Onijantero, pinatantaecharori, otsimantyarí inchatoshi aisati antami antamisato

Abakojetiro 131. Onijantero antabaerentsipaye inchatoshipaye aisati antami antamisato

Osaekantari nampitsi onijantiro ojobate antabaerentsipaye inchatoshi aisati antami antamisato opashinite nampitsi aminero oñashintsityaro onijantirori otime osheki anintaeyari kireki.

Antabaerentsipaye anijantiri okobakaro iroperori okarati:

- a) Anintantsi maaroni ashitari inchatoshi aisati antami antamisato akobiro antero iroperori kantabaeshiyetachari akotero atsipatero otimatyari.
- b) Akotero aminero inchatoshi okobapirotatya kantabaeshiyetachari ashitarori anampi tera oshoke inchato otarankaetetsi anintakajiaro aero otaranke.
- c) Pankitantsipaye inchatoshi onijaero inchatoshi apatotaantsi poñenkaro aisati asháninka okobakaro apayabentajiro inchatoshi akotero antero okameetsataje aminakotero inchatoshi okantya apimantajero.
- d) Abisantari iyotakaetiro, isankinatapaentsi obamitaantsi opokantari iñanapaenti inijantiro opimantya.
- e) Pankitaantsi aisati ipankiteri inchatomashi osaekira obenteni kantashitachari ashitaro anampi okobapirotatya.
- f) Oshekitantari iyotaantsi.
- g) Akotero kameetsa anijantero yantabaeri añashintsicharo inchatoshi.
- h) Aminakotero opiro inchashi okarati ashitari pashine jebabintirori antami antamisato.

Asaekantari nampitsi opiro oninkari antabaerentsi aminero amakotyaro anintaeyaro abashirero ashitari inchatoshi aisati antami antamisato apotoyetachari ashitarori anampitsi mayetatiri obapite timaentsiri osheki opinata onijantiro aminero antami.

Okantakota okantakotaripero, yakakotsiro ikantajiro iroñaaka abakojetiro.

Abakojetiro 132. Timarantatiri obinteniki

Asaekantari anampi oyotiro anintari timatsiri inchatopaye nampitsi aisati onijantiro timarantatsiri obintenike.

Jebabintirori inchatoshi aisati antami antamisato opiro aminakotaantsi kameetsa jebatatiri asaekira antayetiri otimantyarori otimarante osaekira inchatomashi obinteneki.

Abakojetiro 133. Ashityaro inchatoshi

Ashityaro inchatoshi irotake kantakobentaeri aminero inchato akakotero aninteyaro aninkatero okantiro otimimote okanta yaminakoetiro ninka ashitarori amakotarori intamishi pankitachari aminakotirori ikinkishiro inintakaro otimimoteri okitsote kenkishiriakotiro pashineki nampitsi inintakaro yashitakaeyaro.

Asaekantari anampi onijantiro ashityaro inchatoshi okantabaetara:

- a) Otimaje kapicheni ipinaetero okantakobentantsi anintaro.
- b) Opiro okarati yanintantyarori ashitari inchatoshipaye.
- c) Pashine iyantiro itsotyeni.

Abakojetiro 134. Pinabenteroni antabaerentsipaye inchatoshi isati antami antamisato

Ipashitantaetarori, ampirinipaye aisati ikiantyari inchatomashi aisati antami antamisato osaekakotsi otimatye okantakobente kantakobentaantsi obakota isankenatakoetirona.

Pankirentsi inchatomashi osankinatakotachari ora Sankenarentsipe ora Pankirentsini anampiki aminero Serfor ari okantake okantakobente irotake okantakobentachari aejatero ikantakantaetiri inchato.





Irorika apatoyetachari asháninka aisati poñenkaro, iro okantabaeshita pinabentarori yakeroni maaroni yapatotara.

Abakojetiro 135. Opiri kirekini maaroni inchatoshi

Jebatayetatiripaye aisati pinkatsari anampi ari okantake ikantero iyantero antabaerentsi okantara inchatoshi aisati antami antamisato okemitara opiro asaekantari aritake oninkaeyaro ayero ashitari inchato otsonkantari.

Abakojetiro 136. Atsipatero antabaerentsipaye oetsokite inchatoshi aisati antami antamisato obakota apajiro añashitakobentyaro

Akoteró apotoyetachari poñenkaro aisati asháninka aisati iyaninepaye oetsokitantari timayetatiri yantiro antabaerentsi yamitaeyaro inchatoshi aisati antami antamisato pankirentsi inchatoshi aisati yanintaeyaro, onijaero otime oñashitakobentyaro asaekakoti ipinatantsimi asankinatakota ora Ñaantsi Iroperorisano 1077, Ñaantsi Iroperorisano ibaemantiro yaminero ipashitaro añashintsitantarori antero maaroni obapite saekantarori inintakaetiri okantiri ikantakantaetiri.

OEKTOTARI III

Sampikobintantsi, aejatakotero aisati obamitantsi

Abakojetiro 137. Akantakotero oninteri anampitsite

Akantakotero oninteri anampitsite sampikobintantsi, aminayetiro ojobate iyotaantsiperori, okameetsataje iyotanitantsi aejatakotero anampi amakotyaro ashitari inchatoshi aisati antami antamisato anampitsiteki.

Abakojetiro 138. Sampikobintantsi aisati aejatakotero ashitari inchato aisati antami antamisato

Asaekantari anampi, pashine obamitantatiri aminayetiro antero onintakaro onijantiro okaemabaka aminayetiro antero okantya ojobate iyotaantsiperori aminero anintaeyaro obamitsantero akimpoyero kematsatitiri onijantero apoyebentero inchatomashite anintero akimpoyero pimantaantsi ipimantaetero okantya anintaeyaro ashitari inchato aisati antami antamisato omonkaraero onijantiro obaemantiro aminakotaantsi ashitari obamitantsipanko.

Iroka Serfor, okaemakeri jebaripaye timatsiri obapitepaye ashitari ipaetiri otime antamisato nijantirori aminerori inchatoshi aisati antami antamisato onijaero aminero inchato okantaetani aejatakotero okantya okameetsaperote antero aminakotero samanitatiri okantya otimantyarori aminakotero aejatakotero amakotyaro ashitari amenakotirori omonkarata.

Abakojetiro 139. Okinkishiriari anampitsite sampikobintaantsi inchatoshi aisati antami antamisato

Akenkishiriarianampitsitesampikobintantsiinchatoisatiantamiantamisatookobakaro, pashinepayeni, sampikobintantsi kobachari inintakaro ojobate inchatoshi okameetsate inijantantyarori.

Abakojetiro 140. Ayeroni aisati achankiro sampikobintantsi yotaantsiperori amitaantsi

Jebabintirori inchatoshi aisati antami antamisato onintakaro okobiro ayero ashitari inchatoshi antami antamisato aminakotero iyotaantsiperori.

Iroka Serfor operoni onintakaero arika anintero:

- a) Kantashiyetachari yaminaetiro okemita yasaritari.
- b) Kantashiyetachari onintakaro ashitero CITES.
- c) Aririka aminakotero yotaantsiperori anintero ashitari opoñantari.
- d) Okobakari yamitaetari.





Amitakotero ayero ashitari inchatoshi aisati antami antamisato okantya aminero otsonkanaka onijantiro okantabaeta inintakaetaro yantaetero Serfor. Ikobaetiri yantaeteri amitakotero ayero achankiro obaninkaro antami antamisato okantya aminakotero ametari otime asaekakotsi ikantakantaetiri ayotero atsipatero.

Abakojetiro 141. Obamitaantsi aisati obamitsantero inchatoshi aisati antami antamisato

Asaekantari anampi, yantiro ashintsibentero obamitaantsi, onijantero:

- a) Obamitaantsi inchatoshi aisati antami antamisato onijaero yamitaetari obamitsantero okameetsate yotakoperotirori.
- b) Intantarori iyotaantsi maaroni inchatoshi aisati antami antamisato.
- c) Obamitsantero aisati abamitantero aisati iyoterori aminakotero aisati apatoyetachari poñenkaro aisati asháninka saekayetatiri yashityaro okinira iroperori obamitaantsi.
- d) Yantaetiro yanintaetari obamitantsipanko akimpyakotero antamishi aisati antamisato.

Otimantyarori anterori asaekantari anampi:

1. Iritake Serfor, amitakotiro ojobate iyotiro akenkishiro okemira inintiro Jebaripeni Anampi Antabaerentsi Atirini (Servir).
2. Iritake Serfor, jebabintirori inchatoshi aisati antami antamisato, ari Pankotsinipero Eyotaantsini aisati jebaripaye yapatyero ibamitantaetsinta maaroni omonkarabakaeya inchatoshi aisati antami antamisato okantara kantashitachari anampiki.
3. Aritaki jebabintirori Pankotsinipero Apankireta, ora obamitantsi, Kisakobentantsi aisati Amenakotantatsiri timatsiri kobatiri yotsinkaripaye obamitantatiri oshintsinka aisati atirini iroka Soraronipaye aisati iro Amakotarori Nampitsi Perú aminerori anampi yantiro ipoyebentiro inchatomashi.

4. Inijaero aisati yantiro, yakakotiro maaroni asháninkapaye, okantakobentiri ayomparitantsi Apatyabakero 169 ora OIT, onishironkatiri yaminaetero yantaetiri pashinepaye yamitaetari obamitsantero inchatoshite aisati antami antamisato.

OETOTARI IV

Okoñate yaminaetiri inchatoshi aisati antami antamisato

Abakojetiro 142. Akiatyari onijantero

Maaroni yotakotirori isankenatakota Sinafor obironi kenkishiriantsi anteroni amenakotero antabaerentsite inchatoshi yakakoetakiri tekira aritya ikantakantaetiri obira injantiro yaminero amakotaro yaminakotiro itsonkaetakiri.

Yaritakaro okemita otsiparia kenkishiriantsi irotaki ashitarori otimatyari akantakotero kemisantsi ñantsi inchato.

Airo aritaro ashityaro onijantero okarati kantashibaetachari inchatoshi anintaeyaro ayerori ashityaro apinkatsatiro obapite ashiyetarori yantaetiro ojebate antabaerentsi omonkarata yamitayetari.

Abakojetiro 143. Kenkishiriantsi kobenkari inchatoshi aisati antami antamisato

Serfor iritake yotirori ijebatero okantya yantaetero ipiro kenkishiriantsi kobenkatatiri inchatomashiki aisati antami antamisato inintakarori obaemantakota jebabintirori pankitantsi intarori saekatsiri okakotirori.

Abakojetiro 144. Oshekitantari yaminero iroperori

Iritake Serfor timatsiri aparoni antero iroperotatiri okoñate ayerori ipaetiri pokayetatiri atirini.

Iroka opaetiri ibakoetiri okoñatakotsi ibaetiro inintakaro ibabisakotero timatsiri itsotyene ibabisaero pashineki jebatantsi atsipatero yamitakotero.





OETOTARI V

Osaeki yaminakoetiro, okantabaeta aisati aminakotaantsi

Abakojetiro 145. Ipaetsiro aminakotirori aisati obasankitarori

Opajaero kobantsi aminakotero aisati obasankitaero jebabintiroripe inchatomashi aisati antami antamisato obirora inijaetiro okantira ikantakantaetiri ikemisantsi ñaantsi 27867, kemisantsi ñaantsi ikantaetiri jebaripaye.

Yantaetarori amenakotirori ibasankitaero, jebabintirori inchatomashi aisati antami antamisato yantiro intarori aisati jebabintiroripaye, irotake apitetatsi aisati ibaetiri.

Iritaki Serfor aminero aisatita obasankitaero okantashitari inchatoshi aisatita antami antamisato yakotiro yaminantaetarori okarati okantiri ikantakantaetiri Serfor anteroni amenakotiro obirantarori Pankotsinipero Apankireta.

Abakojetiro 146. Ikantashitaetari

Ibakotiro ikantakantiri kemisantsi ñaantsi ikantabaeta ikantashitaetari inchatoshiki aisatita antami antamisato, otime ayotero okarati akobiri:

- a) Akenkishiriakotero airo anteroni akenkishirero okobiri ashitari atsopaeyaro, ikantakota aisati pimantantsi ashitari inchatoshi aisatita antami antamisato.
- b) Kobenkari yantaetiri.
- c) Aririka yantaitero otaranke okobinkati obatsinaero ashitari inchatoshi aisatita antami antamisato, antironi terika obapite inintakaetari.
- d) Yantiri opomerintsita, iyantero te oninteri otatakero antabaerentsi aminerori, ashitari yamakotaro ikimpoyakotiro inchatoshi aisatita antami antamisato.
- e) Ikoshitero kipatsiki ashitari inchatoshi aisati antami antamisato anampitsiteki.

Abakojetiro 147. Yantaetiri yaminero aisati yamakotaro inchatoshi aisatita antami antamisato

Jebabintayetiroripaye antantirori yantabaetiri ashitari inchatoshi aisati antami antamisato jaokarika obira inijaetiro okantiro Serfor okaemabaka pashine jebatayetetiri apatyero Sinafor.

Serfor, irotaki jebari Sinafor okaemabaka jebaripaye yantiro yaminero inchatoshi aisati antami antamisato aminero antabaerentsi amakotara obamitantsi inchatoshi aisati antami antamisato otsipatayetari onijantiro.

Irotake iyotaetiri onijantiro yaminaetiro inchatoshi aisati antami antamisato yantaetiro ojebatayetira:

- a) Iritaki Pankotsinipero Atirini ipiri Serfor, osinfor, jebabintiripaye oasekayetira inchatomashi aisati antami antamisato aisati pashine inintakaetari aminakotirori ashitari antami obaninkaro antamisato amitakotaantsi ipaetiriri okantya itsotyero yaminakotirori ikimpoyero ikaemiri jebabintirori obaemantantsi jebatatsiri antirori otsipatari aminerori anampitsite manatakobentirori iroka amakotarori kobenkatatsiri obaninkaro ashitari inchatoshi aisati antami antamisato.
- b) Amakotarori Nampitsi Perú, iritake kaematiri jebatatsiri inchatoshi aisati antami antamisato aisati jebabintirori oasekayetira inchatomashi aisati antami antamisato Osinfor amakotaro aminero okantashitachari ikantakantaetiri obakota omapiro otime.
- c) Aminakotsironi Pinataantsi Kirekipaye (SUNAT) amitakotiro aminakotiro jebaripaye okantara obakota osekira inintakaetaro.
- d) Jebatayetatsiripaye anampi osekira atiripaye opiri Serfor aisati Osinfor amitakotiro okarati okobiri itsatantaetyarori yantaetiri yaminaetiro ikempoyetiro itsotyetero yaminakoetero.
- e) Osekira 50 monkaramentoki osamaniti obirantari okobapirota pashine obirora jaokarika aminatae okantiri ashintsite makoreanti akaemiri jebaripaye yamakotyaro antabaerentsi jaokarika osariaro okobiri ikantakantaetiri.
- f) Jebabintirori Pitotsi Amabentyani Perú (Dicapi) antironi amabente aminero antabaerentsi pokayetatsiri ikantakantaetiri onijantiro jebabintirori inchatoshi aisati antami antamisato.





g) Aminakotirori aisati Akempoyakotsiri Anenkate (OEFA) antironi isankenarentsi okantakotiro ikantashitari obakiri ikantakantaetiri ikemisantsi Ñaantsi 28611, ikemisantsi Ñaantsi obamitsatantsi.

Jebabintayetaripaye, obirara ikaemabaka jebari oasekira aisati apotiyetachari poñenkaro aisati asháninka, okantiro anintakaro amabinta itotaetiro pimantaantsi te okameetsate inchatoshi.

Abakojetiro 148. Amakotyaro, aminero aisati akimpoyero apototaantsi

Otsinkamitari apatotaantsi, otsipanampiyetari yantiro antabaerentsi amakotyaro ashitari inchato aisati antami antamisato ikimpoyakotiro jebaripaye itsipatari jebabintirori inchatoshi aisati antami antamisato pashinepaye jebatayetatsiri asháninkapaye apotoyetachari obakota jebarikipayenta inchatoshi aisati antami antamisato ari okantake yaminero inchato maaroni ashitari inchatomashi aisati antami antamisato anampi.

Okantabaetari ashitari inchatoshi aisati antami antamisato anampi aritake okantake otime inchato aisati antami antamisato iñatsiri ityankayetiri okantya inijantero isaekayetira jebaripaye inchatomashi aisati antami antamisato itsotyero onintakari inchatoshi aisati antami antamisato iñetakiri jebaripaye yaminakotiro kobapirotachari.

Okantabaeta ojibate aminero amakotyaro inchatoshi maaroiteni atsotyero obakotiro apatotantsikira.

Okobakari obakota amineroni inchato apototachari ari okantake ikobiro jebarikipaye inchatomashi aisati antami antamisato aminakotiro anampitsitepaye oshintsite obetsikia okantara opiro añashintsintyaro jebabintirori inchatomashi.

Tera oasekira kipatsi apatotantsi obitsikakota asháninka ikobiro yaminero ashitari inchatoshi aisati antami antamisato okantara aminakotirori ashitari inchatoshi aisati antami antamisato.

Aminabakero antabaerentsi ojebatakirika oasekira onijantero ipokantyarari apotoyetachari asháninka yanintaeyarori osankinatakotya amakotyaro antami.

Abakojetiro 149. Yaminakoetiro atirinipe aisati ichankaetiripe oitsokite inchato aisati intami intamisato

Serfor aisati jebabintirori inchatomashi aisati antami antamisato timatsiri okarati antabaerentsi yaminaetiri yamakotari:

a) Akobiro atirinipe saekayetatiri iyotaetakiri ibakoetiri ibapitepe aisatita isankinatakota antiri inchatoshi aisati antami antamisato.

b) Antero aminero, aero akamantiro atiripeki saekantarori osaekira inchatoto oti matye obakotya maaroni arika inki otime ikamanta nokiatye okobapirotaetya jaokarika yapatotaeta aritake ipaetero inintakantaeteri anki jebaripe ikantero omonkaratya aparoni kitaeteri otimatye iyakiro.

Abakojetiro 150. Oberantarori kantakotantsi

Serfor iritake tsonkirori iyayiro kantakotantsi aisati ikantashitaetari inchatomashite aisati antami antamisato. Kantakotantsi obabisaero ora Pankotsinipero Atirini, Osinfor, OEFA ora jebabintirori inchatomashi aisati antami antamisato, jaokarika osaekira.

Serfor akotsiro yaminakoetsiro okoñate kantakotantsi ipaetakeri, antero akamabakaeya okametsate onijantero aisati kantakotantsi ibaetiri yaminero kobenkari inchatoshiki tsikarika osaeki ashitarori.

Abakojetiro 151. Amakotarori timarantatiri ibatsiro ikantashitari iroñaaka ikantakantaetiri ñaantsi

Ikantashitaetari kemisanshi ñaantsi iroñaaka ikantakantaetiri inintakaro otime te okobia omonkaratya, kantakobentaantsini aisati obasankitaeya.

Abakojetiro 152. Obasankitaeya

Obasankitantsi aminakotero antero okanta antakiri okobenkatari ari okarati:

- a) Akantityari.
- b) Pinataantsi.
- c) Yaerikakoeteri.
- d) Iñaakoetakiri otsonkari.
- e) Obirapaka aisati otsonkanakia eero ashinitajeri.





Abakojetiro 153. Abisatiri otsonkiarika osaekakotsi inintakaeteri

Okantakobentantsipe ora ibapitepaye osaekakotsi inintakaetari anintaeyaro ashitari inchatoshi aisati antami antamisato otsonka ari okaratsi.

- a) Anijantero kariperori kenkishiriantsi aminero obakota ipayetiri.
- b) Ayirorika okotiro ashitari inchatoshi aisati antami antamisati kaari inintakaetari.
- c) Aerorika inintakaetero antero kipatsi.
- d) Anterorika kobinkatatsiri ashitari antamishi aisati antamishi, ikenkishiriakoetiro okantiri.
- e) Terika apinatero okantakobente anintantarori okarati añakiri, timatsiri ibakoetiro osarentsite isankenatakotyari kemisanti ñaantsi obakotara okantiri.
- f) Antakeri antabaerentsi pashine kaari ashiniteri ipaitero isaekakotsi inintakaeteri.
- g) Te atsotyero akantakiri ampiri okantakiri apiro obakotya inintakaetari otime anijantero okarati antakeri ashintsite.

Abakojetiro 154. Antiro shintsibentantsi

Anintakaro Serfor aisati jebabintirori inchatoshi aisati antami antamisato ashintsibentero atsotyero, otime pinatantsi aisati ipaetiro anteri shintsibintantsi antero okaratsi okantiri ikemisantsi ñaantsi 26979, kimisantsi ñaantsi antero shintsibintantsi.

Abakojetiro 155. Omonkarata iropirote

Inintakari obasankitantsi antero otsonkatantari te okante antero omonkarata timayetatsiri antabaerentsi yantaetsiro ipaetiro onintakaro oñantyaroro.

Abakojetiro 156. Apinabetsirori antyarori anijantero yaminakoiteri

Opinabentiri yaminakoetiro, yamakotaro, jebaripe pashine yantaetsiri ipaetiro iñantaetaro aminakotantsi ipaetaire.

Abakojetiro 157. Onintakari antayetsiri

Antayetiri otime aminero iroka, yaminakoetero, jebaripe inijantiro maaroni saekatsiri okakini jebari yantabaeri okantakota antabaerentsi ininteri okaratsi osamanite yaminakoetiro.

Jebabintirori inchatoshi aisati antami antamisato, okaemari iritake Pankotsinipero Antabaitani aisati antabaerentsi pashinepayeni amitakotirori yantaetiro kenkishiriantsi oñashintsatyaro antabaerentsi shintsini antiro inchatoshi otsipayetari asháninkapayeni.





IRIOPEROTE OTSONKERO OBERANTARORI

INTARONI. Te ekobakaetero onijantero aisati antabaerentsi antami antamisato ashitarori amitantsi poñenkaro.

APITENI. Ipaetiro Anampi Inchatoshi aisati Antami Antamisato (Serfor) antirori yakakotiro yapotoyetya jebatayetatiri kenkishiriansi anampiki okobakiri okantya ametakotyaro yaminakoetiro inchatoshi aisati antami antamisato iroka ikantakantaetiri okantakota itsipataero amityaro obakotya saekantayetarori ipaetsiri tekera inchato oyakote ikantakantaetiri.

MABATANI. Antero aminero anintaeyaro inchato aisati antami antamisato ikantiri kemisanssi Ñaantsi inintakaetakiri osaeki 27360 okantakantiri akiro okanti onijantero pankitantsi.

APITETANI. Serfor Irotake jebatatiri aminero amakotari antamisato ibaetakiro obeesha ashitari antamisato ikantakota ikantakantaetiri kemisanssi Ñaantsi 26496, ashitarori pimantantsi obasankitantsi arika abiri piratsi kankakobaeshiyetachari apinkatsatero oñashintsityaro ababisaero jebatatiri osaekantari.

APINTATATSINI. Te ipaetiro obapite osaekakotsi saekantarori inchato aisati antami antamisato obira iyotakoetiro obakota ipaetabaero apotoyetachari poñenkaro aisati asháninka okemita obira yantakoetiro osaeki yamakotari obironta osaekantari otsampishi okobakaro apiri intaenasatopaye okantakotiro otime iyakoete antero opirorika.

OEJATSIRONI. Otimiri ikantakantaetiri kemisanssi Ñaantsi oyakote pashine kitaeteri ibaemantakoetiro obakotara Nampitsiperori, irosati antero okantiri kemisanssi Ñaantsi 27308, kemisanssi Ñaantsi inchatoshi aisati antami antamisato osaekakotsi abakojetiro 12, 13, 14, 15, 16, 17 y 135; oejatironi, yantirini, tsotitani ikobakaro ipashitabaeyaro obiraeya iroka ikantakantaetiri.

YANTSIRINI. Ikantakantaetiri kemisanssi Ñaantsi abakotiro ibamantakoetiro yaminakoetiro jebabintiro pankitantsi otimira pimantaantsi intaenasato aminabaete ipaetiro aparoni osarentsi intanakiro ibaemantaetsiro ari otsonkatari aminerori pankitantsi ipiro yantiro isampitiro osaekashita yaminakotiro jebabintirori pankirentsi.

TSOTITANI. Ipaetsiro osamanitse apite kashiri antarori oki otime obakota ikantakantaetiri kemisantsi Ñaantsi, Serfor antiro okantakotiri onijaero anampi aminakotiro inchatoshi aisati antami antamisato (Sinafor) irotake akakotirori ibakoetiro aminakotiro jebabintirori pankirentsi.

PASHINETANI. Jebabintirori inchatoshi aisati antami antamisato aritake akiro kenkishiriantsi aminero inchatoshi okenkishiriakotero maaroni ashiyetarori saekatsiri intarori obira yakakoetiro ikantakantaetiri kemisantsi Ñaantsi iñetakiri iyotakoetsiri ashitarori iyoetakiri jebabintirori inchatoshi aisati antami antamisato obakota anintakaro obiro itsotyero yantero.

OSHEKINI. Sankenatakotantsi yantiro kobirori obirara inintakaro jebabintirori inchatoshi aisati antami antamisato yaminakotiri timatsirika ibapite isaekantari oepatsiteki apatoyetachari poñenkaro aisati asháninka iroka jebatatsiri irika tsonkatirori ipiro iyotantaetyarori ashitarori ipatsite obakota ikantakantaetiri kemisantsi ñaantsi.

APARO OSHEKINI. Oshintsinka antirori antiro otsonkatatiro antiro ikantakantaetiri kemisantsi Ñaantsi, otsipatari ibakoetiro.

APITE OSHEKINI. Antiro obakotiro IV apashitaro paite okanti ikantakantiri kemisantsi Ñaantsi antero ashitari anampi asháninka saekatiri parinetsapiaki osaekaki apatoyetachari poñenkaropaye.





IRIOPEROTE ATSONKERO OBIRAEYAPE

INTARONI. Aparoni anintatyarori osaekira antamishiki otsoke okantaetari kaari inintakaetari yaminaetero ipipaetiri anampiki irosati okanta okantakantaetiri kemisantsi Ñaantsi, okobakaro okoñate iyotero yamakoetyaro kobachari ibamantaetero okantya antero maaroni ininterori.

Aririka yantaetakiro ibaemantaetero katsirika pokatsini pashine amanetarori otime ayotero okakiri.

Obakota ikantakantaetiri kemisantsi Ñaantsi okantiri onintakari antero kameetsa yakakoetero.

Jebaripaye antakirori intarori iñashintsitaro ari okantake yaminero ari osaekira ashitari opinata yakakoetsiro pashinepaye opotsotakote ibaemantakoetiro ikantakantaetiri kemisantsi Ñaantsi.

Pokatsini atsotyero obirari osamanitsi apite osarentsi intantarori irosati okanta iyakoetiro okantakantsiri kemisantsi Ñaantsi yakakoetsiro obakirari ñashintsitantsi anampiki intarori abishe.

APITENI. Aminakotirori pankirentsi aminero okantakota ibaemantakoetiro Serfor. Otime aparoni abaemanteroni shintsitakaerori antabaerentsi aminero anintaeyaro ashitari inchatoshi aisati antami antamisato obakotsiro saekantarori onintakaero obakotiro ikantakantaetiri kemisantsi Ñaantsi 27308 kemisantsi Ñaantsi inchato aisati antami antamisato iroka ibaemantaetiri okantakota ciento ochenta kitaereni oyakote iroka ikantakantaetiri kemisantsi Ñaantsi.

MABATANI. Pashini jebatayetatsini iyoetiro obakotara ikantakantaetiri kemisantsi Ñaantsi 27308 okantakantaetiri kemisantsi Ñaantsi inchatoshi aisati antami antamisato akakotakiro onintakaro akakotero Serfor.

APITETANI. Obirara tera otime okameetsate amineri opinatya okakiro osaeki inchato yantiro jebabintirori inchatosi aisati antami antamisato onintiro okameetsatakote osaeki Serfor obakota osaekira anampi okameetsate aminakotero opinatya akakotero aminakotirori obaninkatantari Pankotsinipero ora Anenkate.

APINTATATSINI. Ikobakaetiro apite kashiri kitaeteri, ayotero intantarori osaekira ikantakantaetiri kemisantsi Ñaantsi. Iritake Pankotsinipero Apankireta amitakotero Serfor aisati akakotiro aminakotiro ora Pankotsinipero ora Anenkate, obakota sankinatakota akoyero kipatsi okameetsate anintakaro osaekakoti kemisantsi Ñaantsi.

OEJATSIRONI. Oshintsitantari okantiro omonkaratero kobachari onijantero okobakaro jebabintirori inchatoshi aisati antami antamisato (DGFFS) Serfor, irotake ashitarori obirantarori okantabaeta osankae.

YANTSIRINI. Onishironkatiro Serfor okantakotsine otimira osaekakoti 6, 9, 10 ikantakantaitire Ñaantsi 29626 ikantakantaitine ñaantsi akakotirori obaemanterori pankirentsi.

TSOTITANI. Irosati yakakoetero aparoni yantantaetarori yaminakotiro Serfor opinata apinamantero yakakoetero aparoni yantantaetarori yaminakotiro pashine aminerori okemitari yantaetiro ipaetakiri.

PASHINETANI. Kenkishiriakotirori aminakotirori pankirentsi akantiro jebabintirori timinkaro kiriki opirori intarori ashitari ipinatantaetarori ikobakaetiro antabaetero inchatoshi aisati antami antamisato (Serfor) obakota yakakoetiro osaekira inintakaro otsonkero obirara.

Akantakiro ipaeteri intarori iñantaetae okantakantiro ibaemantiro jebabintirori pankirentsi timinkaro oerikite otsipataro injantiro kankakobetirori.

OSHEKINI. Arika yakaetakiro ikantakantaetiri osaeki yakotaantsi ashitobakiti jebarikinta 232-2006- INRENA.

OSHEKINI INTARORI. Osankinatakota abakojetiro 66 aisati 91 oshiyaro otimira osaekantari iyotaetiro inintakaetero Apatyabakero 169 ora OIT, apotoyetachari aminakotirori iyotakaetero obakotantaryari abajiro pashine ikobiro inintakaetaro ipaetero anintaeyaro inchatoshi aisati antami antamisato aminero ipaitiro okobanakiro ikobakoetiro okanti inintakaro ipaetero maaroni jebabintirori inchatoshi aisati antami antamisato.





OSHEKINI APITENI. Anintakaero asaekantari iyoetero Apatyantsiri 169 OIT jebari yotakotirori iyotakotiro osaekakotaje akotabaero kipatsi ashi apototachari antiro aminakotiro apatyakotiro apotoyetachari saekantakarori irotake anterori iyotakaetero osaekakote aipatsiteki.

OSHEKI MABATANI. Jebaripaye opirori saekakotaje ashitarori ipashitari apotoyetachari iyakoetiro ikantakantaetiri kemisanssi Ñaantsi otimimoteri obapite irashitanyarori obirarai ikobakaro ipankibaete.

Serfor, okantatyari, otime yantaetero kenkishiriansi okantakobetero anampi otsotyro opiro obapite iyashitaetari kipatsi iroperori ipankitero inchatoshi antaro yaminakotero apotoyetachari ameminatirori ashitobe iyotakoetero.

IRIOPEROTE OTSONKERO ABASHIÑERO

APANIRO. Ishitakoetero kemisanssi Ñaantsi 28852, kemisanssi Ñaantsi Onijantero Apiro Inchatoshite Timarantayetsiri okantakantaetiri abakojetiro 1 aisati 3; kemisanssi Ñaantsi 27308, kemisanssi Ñaantsi Ikantakantaetiri Antamimashiki Kantakantantsi; abashiñero abakotabaero abitsikakotero okatya ikantakantaetiri kemisanssi Ñaantsi 26496, osekira ashitarori apimante obasankitantsi okobintsa kaarika kantabaeshiyetachari piratsi abakotaeri aminakoteri ikantabaeta piratsi antamisato.

